

ALL NATIONS GOSPEL PUBLISHERS



www.angp-hb.co.za



info@angp.co.za

Numbyíni wu wé

Copyright ANGP

COPYRIGHT

ISBN 1 - 9199852 - 64 - 6

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(Une Mission de littérature évangélique financée de dons)

(Reg. No. 1961/001798/08)

Numbyíni wu wé

Numbyíni wu w gə dè Yi jì, sé nyí ò wó Shetana jì
(1 Zhǎ 3:4-10)

Lò mòbò ò kàrmò sébé ré tèbé ò zhè, rəmyé kwā né ò bà ò pwrí ò ò cìn rə wé òndə zhìzhé wé ta. Lò ò wó kristə-lò, ò dè kristə-lò, ò tá ò zwé nyí bè Yi ŋwéné, ò twər tənè òndé Yi, rə-ná-cí gə kàrmò sébé ré tèbé ò bà ò nə ò gə nyé né òndé Yi cìcì mú gə nə rə-ná-cí gə nyé né. Yi t'á nyí lò yé rə m'è cír mo yé, wó ò wu w rə n'è nyí.

Shetana wó koma da. È wó cə-byú pyö, lú w kòbò lyi bí yi. È n'è zə è cìn è wèrhé òndə pwè-cí ta lyi bí yírhé w òndə è wó Yi máléka ta, e ja è k'è dè èta Yi sono yé. Lyi nánzhəzhə gwě n'è bül b'è wó Yi máléka, e ja è tùntwəè né n'è byili è gə wó né. Kɔn nyé òndə shāā ga ta, zàzà lyi ŋwéné bè n'è gòm koma bè bəmyé wó Kristə tùntúmé. Rəmyé t'á jàr lò yé, Shetana cìcì mú n'è zə è cìn è yàl òndə è wó Yi máléka kèbé è wó pwè-cí ta. (2 Kɔrəte 11:13-14). “Lyì bí bəmyé dè Kristə tùntúmé yé. Bè wó tùntúmé byèbé bè nyé yüyü. Bè n'è zə bè cìn bè yàl òndə Kristə tùntúmé ta. Rəmyé t'á jàr lò yé, bè Shetana cìcì n'è zə è cìn è yàl òndə máléka kèbé è shí pwè wé ta.” (2 Kɔrəte 4:4). “Bè yə Yi ni zhí yé, bè lú w kòbò lwele cəbal mós pyi bè surhə né, bə zè bè k'è bə yò-ècòndò nyí rí pwè ré nə yé. Yò-ècòndò nyí rí rəmyé n'è byili Kristə mó ò wó Yi nyɔrhə mó zùwé yé.” (Efəeze 2:1-2). “Shāā ga á dwéé ré òndé á yə-bəlwáálé y'á cə á cì. Á y'á n'á nyí lú w kòbò lyi bí tùntwəè né nə wó lwele nyəná mós, á zè á tó á n'á wèrhé òndə bè ta. Á y'á n'á wèrhé jàn cìnə námməlwáálsé sè ŋwéné dǎ mós yó-cəbal mós pübülə. Wó òmyé ò ŋwéné lyi bí byèbé bè t'á wèrhé Yi pübülə mó wé èlāsé ò né ò twí.

Lò ò gə kàrmò jàásé səmyé, ò gə sú kɔn dèbé sè byili mú kùrə, ò bà ò nə ò cìcì mú wu w gə nyé né. Sə ò bəká shènè ò cər Yi zòmè ré yé né rə bək'a a byili mú ò wu w gə wó kɔn ná-dwí yil né yé. Shènè ò zwé nyí bè ò wó yə-bəlòlò

cébal, ñ bəká cē yé, Yi zòmè ré sébé ré n'è wəl bè: "Yi wó zhèn ñdé cángá cébal. Ròmýé ce né gə n'é byili ri né dwééré, rè b'a pə néba rè gakó sūbri." (1 Zhā 1:8-10). "Sə rè Byī Yezu Kristə jal mó n'è vùr né yè-bəlwaálé gakó né jīrh wárhgáá." (1 Zhā 1:7). Lwar bè ñ wǒ ñ shèné ñ wèrhé kɔn dèbé Shetana n'è yàlá ráá ñ cē è nyí ni ñ wèrhé kɔn dèbé Yi n'è yàlá. Ñ wǒ ñ yàl yè-bəlǝl yóm ráá ñ yě yè-bəlǝl ne ñ yè Yi tùmútúm. Yè-bəlǝl gə ŋwéné ñdé mó, sé zhě ñ cəl ñ byè Yi bè rè b'a shè rə vwārh mó Yezu Kristə jàn yilə. Yezu Kristə tú lú w kòbó wé n cò Shetana jàn ré yè-bəlǝl yó, sə n vwārh yè-bəlwaálé ciné. Wó nímyě ñ wó né Zwennə mó. Né ŋwéné Yi yé né, rè wó Yi tèbé rè bə jimdī zhe yé, kɔn téné rè shèè rè yé né yé, rè yě né bùlè né e jà rè nə né tumə né nyèbé né n'è shèè né wèrhé mó gakó. Lò wàr ñ bà n shèè ñ tumə nyèbé ñ né ñ wèrhé mó Yī yé né yé. Wó Yi rè wèrhé numbyíni zhǎ né, rè wàr rè b'a nyèè è zòmà né nà? Wó ròmýé rè wèrhé numbyíni yírhé né, rè wàr rè b'a nə kɔn dèbé è n'è wèrhé nà?

"Cinu bæ zhǒ zhe Yi né ñ nyí lyi bí byèbé bè zhí mu ñdé bè wun gakó cə yó mó, n sé bæ." (2 Koroniki 16:9).

"Yi nə numbyíni gakó tumə né. Rè n'è nyí lò gakó gé né zhèl né. Cə-byú ñdé jàà dō téné byèbé bè n'è wèrhé lwelə mó la né shòò bæ lú cú yé né yé." (Zhəbe 34:21-22).

"Sə ñ gé yà ñ yě bè gakó yé-shò mó ce, ñ yà ñ bæ bè zhèn zhe yé." (Zhā 2:24).

"Wu-nyǒ cí wó rè-ná-cí mǝbó Yi zə ñ dwééré rə cē mɔ, rə pǝ ñ yè-bəlwaálé sūbri. Wu-nyǒ cí wó mǝbó Yi yě ñ dwééré ne, n zè ñ ké ñ tá ñ bùl yǝyǝ tumə wǝrhó yò mó." (Nwəə 32:1-2). Kàrmò Nwéé 51 ñ mé súlí. Yezu né ñ byè néba zàzà gwě: "Ámyě byèbé gakó á zhī zhī rí á lyèè mó, bànà à sono. À m'a pə ába shìrhé." (Məco 11:28-30).

J.R. Gschwend.

Bə wèrhé tabɔ́lɛ numbyíní wu w shò-kwā né.

Nyíñe rə zòmà né:

TABɔ́LÓ 1

Lò m̀b̀b̀b̀ gakò ñ wó bal ráá ké, səsəyùlú w k̀b̀b̀b̀ n'ò byili kɔn dèbè gakò rə ñwéné ñ wu wé. Wu w k̀b̀b̀b̀ cébal. m̀s̀ gwě yà ñ wu w pyírhí n zù Yezu Kriste yé. Yí zòmè ré sébé ré n'è byè rə-ná-cí bə yə-bəl̀l̀l̀ cébal. Wó lú w éshirhə y ñdé yala shilə né rə ñwéné ñ wé rə n'è zə m̀ rə zhèlè. Wó èta cici Yí n'è nyí rə-ná-cí mú ní. Yí zòmè ré sébé ré n'è zòm numbyíní yírhé nánshəmə né nè n'è nyí jàà gakò mó yò Səsəwə sébé ré 23:29-33 wé. “Wó byè lyi bə n'è zòm yàà yàà? Bə n'è ji búlú? Bə n'è pwé ñdé dwā. Byè lyi bə n'è cèmè dwā nánfò mó? Bə yírhé n'è shèl mó? Byè lyi bə t'á jíjíríhí ñdé sé jàà w zhèl mó?” Lwar bə wó byèbè bə n'è nywè sè-kùulí mú. Bəká nyí sé mó yé y nyè nánshè yil, m̀ càn zwā w yil, m̀ m'a zə nyàn ñdé nyó yil yé. Lwar bə ñ gə shéné ñ nyò m̀, sé lwar bə nyí m̀ m'a wèrhé mó ñdé dɔm gé y'a d̀ l̀ m̀ swā zù ñ yala wé ta. Rəmyé yi ní ñ yírhé b'a n'è nyí wé tèbé ñ yèl rə párá, n zè ñ né ñ zòm yàà yàà.

Səsəyùlú w k̀b̀b̀b̀ wé, wó go-wé, bŭ-wé rə ñwéné numbyíní wu w wé. Wé ré rəmyé n'è byili numbyíní yə-bəl̀wáálé. Yí tó rə nyi-zwennə Zheremyi denne rə wò: “numbyíní wu w nyè námmejóló du kɔn gakò, ò n'ò twì lwelè; wó m̀ ñ má ñ lwar ò gé wó né?” (Zheremyi 17:9). Yezu cici wòwò: “lwarna bə wó numbyíní wu w wé b̀l̀è námmełwálsə n'è shí ní: yàà t̀ntwèè ñdé ñwàlè ñdé lyi-guuri ñdé fwèl tumə ñdé d̀ kɔn yál, ñdé wu-kùlù ñdé myìnú, ñdé wàr ñ cìn ñ né ñ pyéné t̀ntwèè, ñdé bwé-dŭr, ñdé d̀ yil zhilù, ñdé cìn-byilu, ñdé lyi-bəyuuri t̀ntwèè. T̀nt̀m-bəl̀wálsé səmyé gakò n'è shí numbyíní wu w wé, sè pe y jímdì.” (Marke 7:21-23).

1. Kú-nəbyíl-éd̀l̀l̀. – Lò gakò só kɔn dèbè rə càn. Né lwar bə numbyíní wu w wé Kú-nəbyíléd̀l̀l̀ ñwéné, lò gakò gə nɔ w ñ só ò càn yírhé wə. Òmyé n'ò nyerhe cìn-byilu numbyíní wu wé. Lusəfeere yà ñ wó Yí m̀l̀éka shāā ga, ñ yà ñ cí ñ dwā m̀l̀ékabá gakò n t̀ rəmyé yil n zè n zhè ñ cìn dè Yí



1. Kɔn dɛ̀bɛ̀ rɛ̀ ɲwɛ̀nɛ̀ yɛ̀-bɛ̀lɔ̀lɔ̀ cɛ̀bal wu w wɛ̀ mɔ̀

yé né, Yi zè rø jì mù n jìrh rø zù-bal. Zàzà è yíl: **Shøtana**, kàrmò Ezøyi 14:9-17 òdé Ezøcøe 28:12-17 wé.

Cin-byilu n'è shí myìn-jùwè, sø mè kùrè né já lò gako wu w wé, jàlà n'è zø bè cøcèndè bè m'è wèrhé cin-byilu, jàlà wó bè lwar mó, bè dwā òwéné wó bè yala bè n'è kwèrhe bæ ce cìbyür, bæ ce zøkònà bè m'è byili bè cìnnè... Wó èta Yi zòmè ré sébé ré n'è byili ní lyì bí bømýé mós yilø. (Ezøyi 3:17-24). Lyì dwā mye òwéné wó bè nàmbala bé, bè tønà yá, bè lùl-e-pwírí, ráá wè tèbé bè m'è wèrhé dødalse mós yil bè n'è byili bè cìnnè, bæ swè Yi yò, e já wó Yi rø wòwø: "Yì bæ cìn-byilu cìné só yé, sø rø n'è byili rø sóno w cìn-lwøl cìné ne." (1 Pyøere 5:5). "Yì bæ cìn-byilu só yé." (Søswaálse 8:13). "Wó cìn-byilu mè n'è ce numbyíní twì té è yò zhìlì." (Søswaálse 16:18).

2. Kùlí. – Kùlí wó vwäm mòbó mè zhe pwarha, è n'è yäl køn kwí gako e jí. Numbyíní wu w wé kùlí n'è nyerhe shilø nàmmløwälsø, tuntùm-bøywäälè òdé fwøl tumø dwí gako. Yø-bølwäälé rømýé mós jìrh nánzhøzhø èläsé lú w ò wó dwā nánkwaá né mós wé. Tuntwøø né nømýé mø sø nø ce né lwar bè Yezu Kristø zòmà né ñ dãmä n byili mú wó zhønà. Ñ zòmà né ñ byili mú yú byinø 2000, ñ yà ñ byili bè køn ré dèbé rø wèrhé Sodoome òdé Gømoore yi ní b'a wèrhé.

Èshirhø y èmyé kèbé è òwéné lú w wé zàzà mós, zø lwelø ré e zù kana òdé bè byíné jømé y wø, e zø rø e zù kristø-lyì gùlíl wé, e zø rø e zù lyì bí cørhø mó mye jààsé wé. Lwelø ré rømýé òwéné sèsøyüülí lyì bí kè sáábá né wé mó yò òdé wè dwā nánzhøzhø wé lyì bí n'è nyì. Rø òwéné dødålsé mye jàà wà. Tumø né nømýé wó Shøtana tum lyì bí n'è wèrhé rø wó cizhil nánfòlò. Zàzà køn dèbé Yi n'è byili bè rø wó yø-bølòlò mós, wó rømýé lyì bí n'è byili bè rø wó: "èläsé lú w tumø." Bèsóná nánjèjólø òwéné èläsé wó ywäl mó sáábá né bè só kàrmò, ywäl èsøyüülí bè só nyü, wó rømýé denne bè n'è tó né bè zwi cizhil tumø né nømýé mós wé. Bala bé òdé kana bé byébé bè n'è kè sáábá né nømýé mós, wó bømýé lyì bí n'è nyì òde lyì-fwäälè ta zàzà lú w kòbó wé. Jààsé shèbé

lyi bí n'è se sè wé mó mye jirh ywāl tumə jaàsè. Zàzà lyi bí k'è t'á yāl bə kwè lyi bí byèbé bə zə bə cìn pwépwé Yi yé né mó nà òdè Yi zòmè ré sébé ré gé byili Zozefu òdè Yi lyi bí dwā bé ta mó ne yé. Kur-ju sébé ré 39 wé bə byili bə nance èdù y'à ñwéné è yil Zulu. N yà n yəl Yi pár yé, e ja n gə zə lò òdè n né n fwəlè, n ce bə zə rə-ná-cí bə gu. Lyi bí y'à mə sə bə tó nance y èmyé denne bə lwar bə fwəl bə càn yé. Né mə sə né lwar bə Kristə gé la lyi bí bürsi kó dè ré, nance y èmyé mó b'a cí yò né yó. Yi byili bə né dūr fwəl tumə né yé né né bək'á dèdal òdè ne yé. "Dèna á cìnè, bək'á fwəl yé. Yə-bəlwaálé tèbé lò wə n wèrhé mó dwā bé t'á zhili n yala né yé. Sə lò mòbó n né n fwəlè, rə-ná-cí wó n cìci yala né n né n cò. Á yəl b'á yala né wó Eshirhə náàcèné jì nà? Wó Yi rə pə ába rə Eshirhə yé. È ñwéné á wé, á bə á cìn cí yé." (1 Kòrète 6:18-19). "Lò mòbó n wūr Yi jì yé, Yi b'a wūr ñmye. Lwarna bə Yi jì y wó Yi cìci nyä, e ja wó ámyé á wó ya." (1 Kòrète 3:17).

3. Kùkú. – Numbyíni wu w wé kùkú n'ò nyerhe sè-nyòrò òdè jùjùrú. Ó wó vwám mòbó mə wó jìmdì dúdú, kòn dèbé gakó ò nò ò yírñ w rə càn ráá rə bə càn; rə zhe jìmdì rə bə jìmdì zhe; ò t'á cír yé ò n'ò jí rə gakó ò ce ò wé. Kòn wó èta òdè yə-bəlòlò cébal mòbó n tá n cír zòmè n mé n zwè rə nyí mú, rə-ná-cí só "ywāl zòmà" cilu. Numbyíni wu w wó Yi jì, sə yə-bəlòlò cébal kwè wu w òmyé n mé n ce nówó né, n ce shəgeré né, dòróge né, n né n cili zòm-bə-ywàalè e súlí tùntùm-bəywàalè dwā nánzhəzhə. Zàzà kana òdè bala ga n'è nywè shəgeré du shāā ga. Lò wār n mà n yé shəgeré nyó ne òdè Yi gə yə rə-ná-cí ni sē yé. Wó Yi jàn ré rə wó rə n'è vwārñ numbyíni shəgeré nyó òdè Shətana yómdé wə. Kristə-lyi bí bə mə sə bə nyò shəgeré bə dwā-gùúlí jaàsè wé yé; èta jaàsè wār sə b'a cò yé. Bə bə mə sə bə nyò shəgeré bə ce bə wé bə m'è cò bə wun ní nè wó Yi jì y mú yé. "Á yəl b'á wó Yi jì nà, sə Yi Eshirhə y ñwéné á wé nà? Lò mòbó n wūr Yi jì yé, Yi b'a wūr ñmye. Lwarna bə Yi jì y wó Yi cìci nyä, e ja wó ámyé á wó ya." (1 Kòrète 3:16-17; 4:18-19).

Numbyíni gə wó sùwòrò; né mə sə né lwar bə Yi bə rəmyé

só yé. Né mə sə né pyà kùjú né jí né m'é zhìlì né n̄rh ne, s'e dè òmyé yil né ŋwéné yé; sə kùjú zòmà gə zè nè ŋwéné né nyú w twéé twéé né zhe “pē kùjú a jí a sú a kùm” ráá “à jú sə à yè swí yé, à yè swí yé” è gə wó èta sə né lwar bə jú mú mèmýé mó n'è lyé mè swé.

Lò mòbó ñ bülè né zhe kon gako yäl ne, kon t'á yí ñ bülè e ja ñ tá la súlú mye gaga yé. Yi d̄bré sébé ré nándwél ré wé bə byili bə kon mā sə bə gu sè-n̄r̄s̄ ñdè sùl-wòrò. (Nyé lyírh sébé ré 21: 18-21). “Sè-nyór̄s̄ wó nèmòr̄r̄e dúdú è b'a gu wə... byí mòbó ñ né ñ tó n̄fwəéle kùr né ñ pe ñ da cìzhilè.” (Səswaálse 23:21; 28:7). Lò mètù yà ñ ŋwéné ñ wó n̄cè̄m-bal e ja ñ wó sùl-wòrò, ñ yà ñ né ñ yäl kon gako ñ dúdú, sə Yi zòmè ré byili bə lò mó ñmyé cù n vò myín-jüwè, n n̄ n̄nò nánf̄l̄l̄ gàà mó. Né mə sə né lwar bə sè-nyo n'è pe zwini numbyíni ni, r̄emyé dè d̄dalá zòmà yé. Yi byili r̄e zòmè ré wé pampar̄ē bə sè-nyòr̄s̄ bə jàà zhe r̄e t̄enà y wé yé. Lò mòbó ñ né ñ wèrhé sè-kùlù ñdè mòbó ñ né ñ d̄l w mó ga zhe dóó Yi yé né, Yi zòmè ré sébé ré wòwə: (1 Kor̄ete 6:10). Wó né t̄untw̄è̄ né né n'è wèrhé ce yó mó denne bə n'è tó né bə lwar né yè-b̄elw̄aalé párá ñdè Galēshi sébé ré 5:19-20 gé byili ní. “Á b̄ek'á nyò s̄é kon lyé ce ne yé, bə s̄é nyó kon lyé ce ne n'è ce numbyíni yàà yàà tumə wé. Cenə á wun ní sú ñdè Eshirhə náàc̄ené. (Ef̄eze 5:18).

Yezu né ñ byè lò mòbó gako n̄nyèlè zhe mo: “Sə lò mòbó ñ nyò n̄é mó mòbó àmyé la mo po mó, n̄nyèlè k'è t'á la mo zal gaga yé. N̄é mó mòbó à la mo po mó b'a j̄irh n̄-b̄ülì è n'è b̄ül ñ wé, sə n̄-b̄ülì y èmyé b'a ce n zə nyú mè t'á la zh̄ö.” (Zhā 4:14).

4. Kúsəbwál. – Numbyíni wu w wé kúsəbwál n'è nyerhe n̄wàc̄òr̄. Lò gə mə sə n wèrhé tum zà, n zè n yé re n cí n̄kòla, r̄emyé bə kùr zhe yé, lò mó ñmyé wó wu-bárhé-cí. Lò gə nyèè Yi zòmè ré n zè n c̄é Kristè zú; r̄emyé mó wó yè-b̄el̄l̄. Né mə sə né lwar bə lò gə wèrhé èta wó c̄al-tum ñ wèrhé. “N̄wàc̄anyel né ñ cì, ñ t'á ne kon d̄èbé ñ né ñ yäl yé, ñ gé bə sh̄e tum yò mó yilè.” (Səswälá sébé ré 21:25-

26). Zəwəə zòm ñdé Esərayel lyi bí n wò: “Bək’á zə nəwàcòrò á m’á zwé cɔ w yé.” Yezu wòwə: “Tónə bwèrè y náàshéné y á zù.” (Lwiki 13:24). “Lò ñ gə pyà ñ yà n na.” “Arəzana tənà y jirh jàn kɔna, jàn ciné n’è pyà sə bə zù ñdé jàn.” (Məco 11:12).

Nəwàcòrò n’ò cò né Yi ni zhú mú, e ce Eshirhe náàcèné k’è t’á twì né nyū mú wé yé, èta né zè né n’è kwè né jó sómá. Né gə n’è wèrhé èta, rəmyé yi ní né k’è wàr Yi-co sə nə wèrhé yé. Né k’è wàr nəcèndé Yi bwəl rə nyí mú né la nɔ yé. Rəmyé yi ní né yò n’ò zhìlì ñdé Yi. Yi gə zòm ñdé lò, rə n’è yäl sə n kwè ñ wu w n pə rə èlāsé. Yi gə n’è zòm ñdé lò ñdé Shətana mye n’è zòm ñdé mɔ, è n’è wəl mò bə ñ yé n dɛ nekɔla ráá dɛ dɔ. Sə ñ gə cù zà, Kristə tənɛ ñdé mó yé, Yi wòwə: “Ámyɛ gə nyèè Yi cəl ré zà, s’á bək’á shí á zhǎ yé.” (Ebərə 3:7-8). Lyi jàlà y’á nyèè Yi zòmè ré bə cɛ bə t’á zwì Kristə yé; bə n’è yäl bə dɛ dɛ dɔ, lyi bí bəmyé cù ñdé dɛ ré tèbé bə y’á n’è yäl mó yə yí yé. Wó rəmyé è ce né mə sə né lwar bə numbyíni bə nekɔl dɛ ré cɪ yé.

Nəmyɛ lyi-byíni bé tənèsé sə zǎ lū-jəjǐ sɔ mó lyi bí n’è zə kúsəbwəl bòrhó w bə m’è wèrhé bə cémá. Wó rəmyé è ce tabɔlɔ w kòbɔ wé, kúsəbwəl bòrhó w n’ò nyerhe cémá yə-bəlwáálé. Lyi jàlà kwè bə búlè né gakó bə ce cém mó wə, bə zè bə yé Yi rí tèbé rə wó nányi y mú ni. È jà Yi zòmè ré sébé ré n’è byili bə né gə tu cími, yə-còlò gə zhe néba, lyi gə n’è jí zùrì ñdé néba, ráá lyi gə zɔ néba bə zwé né jè-kɔn ré gakó mye sə né ce rəmyé gakó Yi jǎ wa, sə né lwar bə rə b’a sɛ néba. Sə né bək’á pyà sɛɛ jàà dɔ wé yé. “Numbyíni kèbé è n’è tó Yi ni ñdé è wu gakó Yi nɔwéné ñdé y è m’è zhèlè.” (Nwəə 37:23). Wó Cinu Yi ñ né ñ sɛ numbyíni ni, bá è gə tu mye è yò t’á la cɔ yé... “Yi n’è zə numbyíni rə m’è zhèlè, rə n’è cili è sɔ, è gə tu mye è yò t’á zhìlì yé...” “Numbyíni yó dɛ zhǎ t’á shí yi-púrhí ráá yi-zùr sɔ yé, wó Yi rə n’è ké lò gakó bursi.” (Nwəə 75:7-8). Yi pɔ nyé Esərayel lyi byä bé ne pamparɛ rə wò: “Lò bə mə sə n zə ñ byí ráá ñ bək’á n mə n twì cémá tumə yé, lò bə mə sə n vò jəpéré, n byè lò ywélé yé. Lò mɔbɔ ñ wèrhé rəmyé

rè-ná-cí né ñ wèrhé pwarha tumə Yi yé né.” (Yi nyé né y Lyírɛ 18:10-12). “È gə wó byèbé bè n'è twì tùm-tùm-bəywàálé mó ñdɛ byèbé bè n'è twì càl-tumə né mó, ñdɛ nəfwàálé ñdɛ lyi-gurnə bé, ñdɛ byèbé bè n'è cèrhé wè tèbé rè dè Yi mú, ñdɛ byèbé gako bè nyí só koma góm mó yilə, bè b'a ce be pwè nè, bè t'a la co w wé zú yé.” (Kɔn dɛbé Zhā nɔ 22:15). “Cinu Yi wòwò: bàk'á vò jəpərsɛ ciné sɔ yé, m̀nì ga á bàk'á zə jimdì yé.” (Vwì-zwəlnə bé 19:31). “Lò gə wò ába bè zhəlnə á byè cùrì ywəlse, bè zhəlnə jəpərsɛ ciné sɔ, s'á wò lò mó ñmyé nɛ: Yi lyi bí mə sə bə byè Cinu bè Yi rí, bè bə mə sə bə byè cùrì ywəlse lyi-nyirɛ yil yé. Á gə yə rəmyé zòm zwini b'a zə ába á t'á la dwi nɔ á súlì á cìn nì yé, Yi t'á la ába rè pwè ré pɔ yé.” (Ezəyi 8:19-20).

Ñ gə né ñ kàrmò sébé ré tèbé, sé lwar bè Yi n'è zòm ñdɛ mó, rè n'è cíci mú m̀nì ga sé yé yə-bəlɔlɔ wɔrhó nɛ. Sé lwar bè kúsəbwəl ré bùlé né nyèbé nə ŋwéné ñ wé mó n'è byili mú bè yé ñ dè tàkwā nɛ, rəmyé wó è ce ñ wu w sú ñdɛ tətóná dúdú sá, ñ zè ñ né ñ bùl ñ wé ñ zhe: “À gə wèrhé rəmyé, à dwi lyi bí ñdɛ à dowabá ñdɛ lú w lyi bí wó etə̀r bè la né wál? À gə shéné à zù Yi, à k'á t'á la sɔ jàà w yé, à t'á la sana nyó jàà w kədò yé, etə̀r à b'a wèrhé né?” Bùlè né nəmyé gə ŋwéné ñ wé nə zhè ñ ké ñ tá ñ nyí nəcèndé nánfɔlɔ w ñdɛ yə-zulé né ñdɛ wu-nyɔ w ñdɛ nyú mə t'á la zhó mó gako Yi la tó Yezu Kristə denne rə pɔ mó yé. E jirɛ wó lú w wè ré dúdú ñ ká ñ né ñ nyí. Lwar bè Yi pansé du kɔn gako, wó rəmyé è ce ñ mə sə zù Yezu Kristə. Cu mú ywé né dūr mó n'è ce numbyíni jirɛ Shətana yóm. (Ebərə 2:14-15). Lwar bè kɔn ré dɛbé rə ŋwéné ñ wé rə n'è cə̀r mó ñdɛ ñ cìn pɔ Yezu Kristə nɛ èlāsɛ mó, ñ gə shéné rəmyé yò rə b'a ce ñ wu w jirɛ nánkùlù ñdɛ kúsəbwəl bòrhó ta.

5. Jəl. – Jəl wó go-ku kòbɔ̀ ò zum ò n'ò twì lwele dúdú. Jəl ré n'è nyerhe lwele tũ numbyíni wu w wé. Numbyíni wu w wé lyim ñdɛ dō súl ŋwéné. Rəmyé wó lwele rə n'è ce numbyíni vùr è dō myəl. Numbyíni wó è pyéné ñdɛ lyim kò, sə dɛ ŋwéné è y'à pyéné e ga e zə rɛ e twì lwele. Wó rəmyé è ce, lò gə pwírì ñ wó lyim cəbal, sé lwəl sùbri Yezu ni m̀nì ga

n vwarh mo lyim ri we. "Elase, a bak'a kwe lyime ye." (Kur-ju sebe re 45:5). Ye lyim ko ne, bak'a pupuri te ye, bak'a uvu ye, n ga werhe eta re be can ye. (Nwae 37:8). Lyim ko e pupuri te wo lwele, lo mobo n ne n dur n do bwe re-na-ci kaka ta'zwe nyi gaga ye. (Seswaalse 27:4). "N lyim bak'a ze lala ye, be lo mobo n lyim ne ze lala be surhe zhe ye." (Ekelazhaase 7:9). Remye ce, ye lyim ko ne elase. (Kolose 3:8).

Lyi jala hwene be ne nywe se muni ga be lyime ne so, jala ne pya be jim cu muni ga be lyime ne tu. "Remye. gaga mo ne kwerhe e jirh nde dom swa ta be wun ni we." Re nye nde wo cem n ne n werhe n la n me n gu lo ta. (Yi nye ne lyirh sebe re 32:33). Ye-belol cibal so n jim cu, e ja Yi byili be wo remye re wo ne jim re ne ci. Yezu wowe: "Swene n do nde n ci ta" n ke n wo: "Swene a zwa be." Yi bwel neba nyi be: re b'a pe neba sibri nde nemye ga ne pe byebe be do neba mo sibri." Yi be lo mobo n ne n werhe wu-zhilu so ye. Bulal nde do gu yal hwene numbyini wu w we. Wo remye e ce Yi ne yal be re ye-zule ne jom ne wun ni we. Ne ga ne yal ye-zule ne nemye, Yi b'a ce ne jom ne we tweewe.

6. Dom. – Dom ne nyerhe Shetana. Wo memye me swel Awa Eden wo w wa, me co numbyini nde Yi dobre nantwe ye. Shetana yal maleka, e ze e do Yi ni, Yi zhili e yo. E ga pwiri Yi ci Adama nde Awa ce y yo Lusafere ja y we mo ce e ze e dur be bwe e zhili be yo nde Yi. Nemye me se ne lwar be Shetana bwe-dur re remye mo hwene numbyini wu w we. Wo remye e ce numbyini ga pwiri e do coci e ze e ne dur bwe. "Bwe-dur-ci ta n dur lo nono nde gu." (Nwae 8:6). Bwe-dur ne ce bulal nammelwelle lyi jala we, me zhili jala yo, me ce jala ne gwi dwa. Me ne ce bal nde n ke co dwa yo. Wo memye me ce zwini nde be-dwa so su lu w we.

7. Nyewel. – Nyewel wo sho o wo re kuju. Re ne nyerhe lo mobo kon ta swi n yirh mo. "Zhana, zwini tebe re ne zal numbyini mu kur ne shi wewe sono dede we. (1 Timote

6:10). Tə̀nà èdù ɲwéné bə̀ n'è byè̀ bə̀ Kōgo. Gàà mó nyə̀swələ̀ jàlà ɲwéné nè y'a j'a lyì lyì nə̀myə̀lse nə̀ sùulì kùm rə̀ lá kɔ̀n wó èta ìndé̀ lò m̀b̀b̀ kɔ̀n t'á swí n̄ yírɰ́ mó. Rə̀-ná-cí tá n̄ pe n̄ kɔ̀n nəm̀ò ne gaga. N̄ né n̄ yál sə̀ kɔ̀n gakò yə̀ n̄myə̀ nyǎn. N̄ tá n̄ tó zhəǹ dúdú sómá n̄ mé n̄ pyà nəc̀èndè yé, n̄ né n̄ wèrhé yũyũ n̄ mé n̄ súlì n̄ pyà nəc̀èndé, e jà ć̣ la wè ré rə̀myé jú. Yezu cìcì wòwə̀: "A. bə̀k'á pyà nəc̀èndé á cí ce yó yé. Á gə̀ cí rì ce yó, ɲwòlà wə̀ bə̀ b'a pwér á jìsì bə̀ zù bə̀ pwà̀ rə̀, ć̣ wə̀ ò jí rì, e jà rə̀ wə̀ rə̀ cò mye. Pyǎna á jè-kɔ̀n ré á cí Arə̀zana wa, bə̀ ɲwòlà tənè̀ gàà bə̀ la jírɰ́ pwér bə̀ zù bə̀ pwà̀ rə̀ yé, ć̣ mye tənè̀ ò la re jú yé, e jà rə̀ wà̀ rə̀ la ć̣ mye yé." "N̄ jè-kɔ̀n ré gé ɲwéné m̀gǎ, wó gàà n̄ wu-bùlè̀ né mye ɲwéné." (Mə̀co 6:19-22). Aká ìndé̀ n̄ dwí rí gakò y'à só wársé ìndé̀ kammə̀zwísì ìndé̀ sánámá; wó wè ré rə̀myé dúdú sónò è ce bə̀ gakò cí. (Zhə̀be 7). Zidə̀ Yəsəkə̀reyote, yàl Yezu kwā̀-ì, sə̀ n̄ tə̀ wéré sónò dúdú yil n̄ myìni n̄ Cinu ìndé̀ n̄ Yó-cə̀bal mó n̄ pa. Rə̀myé kwā̀ né n̄ pwírì kɔ̀n bə̀ càn yé, n̄ zè n̄ vò n̄ tɔ̀r nyíni n̄ gu n̄ cinè. È dè wéré y ìndé̀ sánámá mó rə̀ bə̀ càn yé, wó wéré y sónò w ò ɲwéné numbyíni wu w wé mó è wó lwelè ré. Zàzà lú w wè ɲwéné lyì bí n'è té, shə̀sherh mye ɲwéné sə̀ n'è dūrə̀, lò m̀b̀b̀ n̄ byili kèbè̀ è la dūr e lyè̀ è dwā̀ bé mó, kɔ̀n gə̀ yàl zhə̀nà, rə̀-ná-cí né n̄ ne wársə̀ nánzhə̀zhə̀. Bala ìndé̀ kana neanzhə̀zhə̀ wèrhé rə̀myé, bə̀ tó rə̀ denne bə̀ nə̀ wársə̀ nánzhə̀zhə̀. Sə̀ lwarna bə̀ wársé sə̀myé mó cò lyì bí bə̀myé cìcì yò e jà sə̀ zhìli bə̀ dwí rí mye dwā̀ ne. Numbyíni gə̀ n'è yál nəc̀èndè náná, rə̀ n'è vùr è myəl. Lò m̀b̀b̀ n̄ né n̄ pyà kɔ̀n rə̀ t'á swí n̄ yírɰ́ ìndé̀ lò m̀b̀b̀ n̄ né n̄ pyà pyèlè̀ ìndé̀ nyumbyí kèbè̀ è n'è pyà sə̀ lyì bí cèrhé mo mó, bə̀myé ga wó kɔ̀n rə̀dù. Lò gə̀ zhe pyèlè̀, n̄ zè n̄ né n̄ nwènè byè̀bé bə̀ bə̀ yó zhe mó yàà yàà. Lò gə̀ zhe nəc̀èndè, n̄mye zè n̄ né n̄ wèrhé nəm̀wà bé ìndə̀ n̄ gé só né. È gə̀ wó Yì tum rí shə̀-kwā̀ né, lyì jàlà y'a pyà sə̀ bə̀ ce be kristə̀-lyì gùlú tumə̀ né yé né, èta, bə̀ zè bə̀ n'è twì bə̀ cin yilə̀, sə̀ è dè Yì yil yé. Yé né cə̀bal mó n̄myə̀ zè n̄ né n̄ bwí ìndé̀ Yì-sómsé dwā̀ bé lyì bí, n̄ né n̄ yál sə̀ kristə̀-lyì bí gakò jírɰ́ n̄myə̀ gùlú w lyì. (Markə̀ 9:38). Yezu wòwə̀: "Də̀na á cìn cènè. Á bə̀k'á wèrhé bwè̀-dūr yé, bə̀ lò gə̀ zhe nəc̀èndè dèdè̀ mye,

rè t'â súlí n myəl dwèlè yé.” (Lwiki 12:15). Nyĩnè nəcèm-bal mós n bə surhə zhe mó səswalá yá: “Nəcèm-bal mədù n yà n vwàl jíjí dédé. N zè n né n téré n wé n zhe: bwəl tènè à la m'a ce à jíjí rí gako né yé, etər à m'a wèrhé né? N zè n bù n wé n wò: à yè à gé m'a wèrhé né: à m'a mà à bòbwèsé, a k'a kwərhe a lù sè dwā nánfwálsè sə dwini shèbé, a m'a ce à jíjí rí ñdé à neré y gako né, a zè a wò à cìn nì: n zhe nəcèndè byinè nánzhəzhə yilə. Shĩrh, sé jí, n nyò, n fùù ñdé wu-nyò. Yí zè rə wò mò: bə surhə cəbal, cəcə y kèbé cìcì à m'a zwè n myəl ré, sə tèbé gako n tene n cíf mú, mǒ n mà n cìnì rí? Kɔn m'a yə éta ñdé lə mǒbǒb n né n pyà nəcèndè n cìn yilə, e:jà n dè nəcèm-bal Yí yĩrh w yé.” (Lwiki 12:17-21). Numbyíní gə nɔ lú w kɔn gako e jà e dwì è myəl ré, è neré y zhe kùrè? (Marke 8:36). Yezu wò bé: “Á bək'á tə kùjú kǒbǒb á la jú, ñdé gònò kǒbǒb á la co yil, á zé á n'á cíf á myəl ré zal twélé á wé yé, numbyíní myəl ré du kùjú... wó lú w lyì bí bə yəl Yí rí tèbé rə wó zhən mó pár mó, wè ré rəmyé gako pyä yò zù twéé gako. Sə è gə wó ámyé yilə, á Da mó yè b'á zhe rə tum. Cenə Yí pyèlè ré nyí shònó yò zù ába, s'á yè bə n mà n pə ába tèbé rə tál mó n súlí. Á jè-kɔn ré gé ŋwéné mǎgǎ wó gǎà mó á wun bülə né mye ŋwéné.” (Lwiki 12:22,23,31,34).

8. Shətana. – Wó èmyé è wó koma bé ñdé kòmde gako da. È ŋwéné numbyíní wu w wé, è n'è ce lyì bí wèrhé yə-bəlwáále. “Wó Shətana è wó á da. Á zè á n'á yǎl á wèrhé á da mó pùbùlè. È wó lyì-gurnə kùrju yì ní ga. È gé dè zhən cəbal mó ce, è yə zhən wé zhì gaga yé. Èmyé è wó kòmde da. Rəmyé ce, è gə n'è gòm è koma bé, wó tèbé rə mǎ ñdé y mó è n'è zòmà.” (Zhā 8:44). Lò gə gòm koma ñdé n yəl ñdé mǒbǒb n gòm koma ñdé bə cá, bəmyé ga twì yə-bəlǒl. Lò ŋwéné n né n gòm koma ñdé n “nyì-zòmà” lò dō ŋwéné wó “sábá” n né n kē n mé n gòm koma, n dō zè n ŋwéné wó n “tumə” né denne lyì bé n'è tó né bə lwar bə lw” koma n né n gòmə. Lò mǒbǒb n né n wèrhé lyì bé yĩrhə w ñde n wó zhən-cí ta, e jà wó koma, rə-ná-cí né n wèrhé yə-bəlǒl, n né n kwè n cìn ñde Yí rí rə t'â gòm koma mó ta. “Né gə n'è wəl bə námýé ñdé né Da mó jĩrh wu òdù, né j'á k'á

ɣwéné cə-byín wé, wó kɔma né n'é gòmè, né tènè zhèn sómá yó yé." (1 Zhā 1:6). "È gə wó byèbé bà n'è twì tùntùm-bəywàalé mó, ìdà byèbé bà n'è twì cəl-tumə né mó, ìdà nɛfwəálé, ìdà lyi-gurnə bé, ìdà byèbé bà n'è cèrhé wè tèbé rə dè Yí mú, ìdà byèbé gakó bà nyí só kɔma góm mó yilə, bà m'a ce be pwè nè, bà t'â la cɔ w wé zú yé." (Kɔn dèbé Zhā nɔ 22:15). "Wè ré təlpyè y Yí súl mó, kɔma ìdà lò mòbó ñ né ñ gòm kɔma bursi jàà mó cébal twér ɣwéné rə wé." (Səswaále 6:16-19).

9. Cəmmésòwá. – Cəmmésòwá y n'è nyerhe numbyíni gako wu bulè né è wu w wé mó. Səśyùlú w kòbò wé è nyè nábyú, è bæ càn yé, è só fòò jú, è yírhé né pyi, è n'è wèrhé yə-bəlɔlɔ twéétwéé è k'è yəl è tum páy yé. Èta numbyíni wu w n'ò wèrhé né. Dè ɣwéné lò mó ñmyè bæ yò zhe yé, dè dō ɣwéné ñ wu w zè ò n'ò zhizhiri dè. Ñ dō gə dō mo ñ tá ñ lwəl rə-ná-sí sùbri yé, e jà lò gə yə mo dwé, n zè ñ né ñ lwəl rə-ná-sí sùbri nánfò. "Eshirhə náàcèné n'è byili pamparɛ, bæ lyi jàlà m'a zè dwā né nánkwaá né wé, bæ yé Yí ni zhú mú ni, bæ tó kɔma ciné ne bæ zwé còrhò mòbó mè n'è shí nɛilsí nàməlwəlé sono mó. Lyi m'a yür be ìdà kɔma zòmà. Kaka k'è t'â la bæ wun ní wé yál rə ce bæ dùr cizhil ìdà kɔn wòrhó yé..." (1 Timote 4:1-2). "Bànà né bwəse Yí ni ìdà wu òdú, né zhí ri ìdà né wun gako, ìdà wu kòbó ò bæ lwəle dwi-byi zhe, ìdà yala nyèbé bæ shàrh ìdà nè zwézwé." (Eberə 10:22). Wu w òmyé jirh ñdə wu kòbó ò tó myin-zhú denne o jirh warhga ta.

10. Yí yírhé né. – Yí yírhé né nə kɔn dèbé gako numbyíni n'è wèrhé è wu w Wé mó gako. Kɔn tènè rə wó rə b'a shèè Yí yír h yé. Wó rəmyé è ce Yí nə kɔn dèbé gako numbyíni n'è bul è wu w wé mó. Səśyùlú w kòbò wé, numbyíni yə-zwá n'è nyerhe Yí yírhé né.

11. Myín-məjəèlè. – Myín-məjəèlè n'è nyerhe yi sónó wé. Rəmyé n'è byili bæ yə-bəlɔlɔ cébal wu w wé Yí só mo. Zhənà, Yí bæ yə-bəlɔlɔ só yé, sə rə só nába, rə t'â yál sə yə-bəlɔlɔ cébal cí yé, rə n'è yál sə n pyirhí ñ wu w mùni ga n nə nyú.

Yezu tú yè-bèlòlò cébal vwàrh. Lwiki 15:10 byili bè yè-bèlòlò cébal mètù gə pyìrhí n̄ wu, wu-nyɔ́ nánfòlò ñwéné Arezana wa. Myìn-mèjèlè n'è zòm òdé néba Kristə jal m'ó yò. “Yezu w'ó Yì pyì-bwèlè y è n'è vùr lù w yè-bèlwàálè m'ó.” (Zhā 1:29).

12. Yì máléka. – Yì máléka y n'è nyerhe Yì zòmè ré. Yì n'è yál rə zòm òdé lò m'òb'ò gako yè-bèlòlò ñwéné òdé m'ó mùnì ga rə-ná-cí shèné n zwè nyí n̄ wu w wé bè n̄ w'ó yè-bèlòlò-cí. Èta, Yì b'a yé rə pwè ré òdé rə s'ónó w ga ne rə zù n̄ wé.

13. Epwéné. – Epwéné y n'è nyerhe Eshirhə náàcèné. Yì Eshirhə y w'ó zhèn-cí, èmyé è n'è ce numbyínì lwar bè è zhe yè-bèlòlò, sə bùrsì k'ò bàn rəmyé yilə. Eshirhə náàcèné tènè numbyínì èsəyùlú w wé yé, bè Eshirhə náàcèné òdé yè-bèlòlò t'á jòm jàà èdù yé.

À lò, n̄ gə pwírì òmyé cìcì mú wu w n'ò nyerhe òdè numbyínì éshùrhú w k'òb'ò ta, s'ə gwiri n̄ lwèl sùbri Cinu Yì nì. Pul n̄ wu w n̄ pə Yì pwè ré ne rə zù. “Zwè nyí n̄ zù Cinu Yezu Kristə, èta n̄ b'a nə vwàrh.” Yì n'è yál rə vwàrh m'ó, rə lyér n̄ wu w rə p'ó wu d'ò nándù òdé éshirhé nándwè. Eésəyùlú rəlyè nyé w wé bè. b'a byili wu nándù w g'ə w'ó k'òn ná-dwí yilə.

TABŪLÓ 2

Wu k'òb'ò ò zhe yè-bèlòlò, cébal né n̄ yál vwàrh. Sèsəyùlú w k'òb'ò n'ò nyerhe lò m'òb'ò n̄ wu w n'ò pyìrhí, n zè n̄ né n̄ pyá Yì. Yì máléka y zhe Yì zòmè ré rə w'ó shù w mú è j'ò wà; zòmè ré rəmyé n'è byili bè: “Yì zòmè ré w'ó nányì, rə zhe jàn. Rə zhe nyí du búlè shí kèbé è yésé ga zhe nyí. Rə n'è zwì numbyínì wu w wé, rə lyé rə zù è yala né ciné gako wé. Rə n'è bùr numbyínì wu-bùlè né òdé è shilə né gako bùrsì.” (Ebərəbá 4:12). “Numbyínì gako mə sə e cì twər rədu f'òró bə ké è bùrsì...” Èta Yì zòmè ré sébé n'è byili bè “Yè-bèlòlò kwànde w'ó cu” yè-bèlòlò cébal òdé lò m'òb'ò n̄ wu w w'ó nánkùlú w mú mə òdé myìn-c'òlò w wé zù.



2. Yè-bèlòlò cébal né í yál sè Yì wǎrh mó

Yi małéka y zhe numbyíni yó-kóló è jè y dō mó wé. Rèmyé n'è byili yè-bèlòlò cébal ne, sè n lwar bè ñ mǎ ñdé cu. Né só né yala né dǎdǎ, né n'è zwi gǎndè, né n'è jí kùjú; né n'è shili né yala né. Né n'è wèrhé èta, mùni ga né wun zè nǎn. E jà ñdé rèmyé ga né yala né la cú, bæ kwè nè bæ ce nè bwárh, cǎ jí rí. Wó né ywǎlsé dúdú sà la né yál byinè nè bæ zhǒ zhe yilè, wó sǎmyé sà la Yi yé né rə ké sè bürsi.

Né nè sǎsǎyùlú w kòbó wé, yè-bèlòlò cébal mó mòbó ñ ju kùr n pul ñ wu w ñ né ñ cili Yi rí rə só mo mó zòmè ré. Yè-bèlòlò w y'à ce ñ wu w jǐrh nǎnbyú, sè Eshirhè náàcèné ju kùr è n'è zwi ñ wé ñdé è pwè ré. Yi pwè ré n'è zwi ñ wu w ñ ò wó Yi-jì mú wé, rə n'è vür byín rí. Vwámá né né n'è nyerhe yè-bèlwǎálé ñ wé mó shér. A lò, wó rèmyé yilè, ñ gə kǎrmò sébé ré, sá yě Yezu Kristə mó ñ wó lú w pwè ré mó ne n zù ñ wé ñdè sǎsǎyùlú w kòbó gə n'è byili ní. Yezu wòwə: “Wó àmyé à wó lú w pwè. Lò mòbó ñ né ñ tó à kùrè, ñ tá ñ la cə-byín wé zhəl gaga yé.” (Zhā 8:12). Ñ wàr cə-byú w ñ la vür ñ wé ñdé ñ sèpwà jàn yé ráá ñdé ñ surhə ráá ñdé lò dō surhə yé. Tèbé rə wó nǎná ñ mǎ sá wèrhé ñ má jì cə-byú w ñ wé mó, wó sá yě Yi pwè ré ne rə zù ñ wé. Lwar bè cə-byú wá, wó né yè-bèlwǎálé. E gə wó cǎcè ne, cǎnà ñdé cǎmmésòrh zhe pwè nǎmpólé, sè cə y gə tú è lówá, nènynón lyí, cə-byú w ñdé cǎnà y ñdé cǎmmésósé gako pwè ré jé. Wó Yezu ñ wó: “Nènynón w ò wó cǎngá mó.” Cinu Yezu gə tú n zù Zhərazalem Yi-jì y w yi ní, ñ jì lyi bí byèbé bè y'à n'è yè nē né, pyiisi ñdé épwənsé mó gako, n yǐrh tabólé bè y'à n'è lyár wǎrsé rə yó mó n ló tǎ, n wò: “Bə m'a byè à jì y bè Yi-co jì. Àmyè zè á zə èmyé mó e jǐrh ŋwòlà jàà.” (Məco 21:13).

Yi n'è yǎl rə zə ñ wu w rə yè rə jì, rèmyé Yi-jì. Rə n'è yǎl rə zù è wé rə jòm, rə kwèrhe ya, rə ce rə pwè ré yǎr yə, rə ce rə sónó ñdé rə wu-nyǒ yè è wə. È dè né yè-bèlwǎále sǔbri dúdú pə yil Yezu tú yé, ñ tú ñ la súlí n vwárh néba yè-bèlòlò jàn dé ñdé ò ŋwòlò w wé. “Rèmyé ce, á gə tó Byí mú denne á cǐ á ciné, á m'ǎ yè lyi byèbé bè cǐ bè cin zhən zhəna.” (Zhā 8:36).



3. Lò m̀b̀b̀ ñ pyirhí ñ wu w gé j̄rh né

TABLÓ 3

Səsəyülú w kòbó n'ò nyerhe yà-bəl̀̀l̀́ cébal mós m̀̀b̀́ n' wu w nɔ pyirhú pamparɛ́́ mós. N zɛ́ n lwar bə́ n' wərhé yà-bəl̀̀wáále nánzhezho, Yi bə́ re só yé. Wó rəmyé yil Yezu Kristə́ cù dè-jorhó w yó. Yi zɛ́ rə́ tó rə́ zòmè ré denne rə́ byili mu Yi máléka y è zhe dè-jorhó w è j̃́ w mós, rəmyé yi ní n' wu w. K'ò kwerhe o zhili yà-bəl̀̀wáále tɛ́bɛ́ nánzhezho w n' wərhé mós yilə́. N zɛ́ n pyirhí n' wu w gakó. Rəmyé kwā́ né n lwar sónó w nánfòlò w kòbó Yi tó Yezu Kristə́ denne rə́ zə́ ñdé mɔ́ mós pár n' wé, rəmyé yi ní n' zɛ́ n ji kùr n lwar bə́ Yezu Kristə́, Yi Byi mú tú n' yà-bəl̀̀wáále vúr, bə́ Yezu shènə́ “n cì dṓ kòbó ò́ yò zhilì yó” n' jàà wà.

Bə́ mà Yezu, bə́ pú sɔ́r yó-pṹ n' yó wə́, bə́ zò n' jèsé ñdé sèsé, n cì dè-jorhó yó né yà-bəl̀̀wáále yilə́. Lò m̀̀b̀́ n' zù Yezu Kristə́ dùli dùli Eshirhə́ náàcɛ́nɛ́ n'è byili mu n lwar rəmyé gakó n' wu w wé. N gə́ zɛ́ n' né n' kàrmò Yi zòmè ré, n' né n' nɛ́ n' cìn rə́ wé ñdɛ́ zhəzhé wé ta. Rəmyé yi ní, n zɛ́ n lwar bə́ n' yà n' nye ñdé Yi, n jà n' yà n' né n' cɛ́ rə́ nyé né. Rəmyé ce n' wu zɛ́ o zhilì dɛ́dɛ́, n pyirhí n' wu ñdé wu-zhilù, n kúrh yá-nàná. Rəmyé yi ní, Yi sónó w ñdé rə́ yà-zúlá né b'a yə́ né ñdé mós. “Sə́ rə́ Byi Yezu jal mós n'è vùr né yà-bəl̀̀wáále gakó né jirh wárhgáá.” (1 Zhā́ 1:7). “Cinu bə́ zhə́ zhe bwəl̀̀ lyì byèbɛ́ bə́ wun ní zhilì mú nyí ni; rə́ n'è zwé byèbɛ́ bə́ ywálsé wun n'è zɛ́ mós.” (Nwəə́ 34:19). Yi zòmè ré k'è wò: “Nyĩnə́ lò m̀̀b̀́ à n'á nyí n' sṓ mós: wó rə́-ná-cí m̀̀b̀́ n' né n' lyèè mós, n' wu n'ò zɛ́ mós, m̀̀b̀́ n' né n' dūr à zòmè ré mós.” (Ezəyi 66:2). Wó Eshirhə́ náàcɛ́nɛ́ è n'è lyirh mo Yezu zòmà né bwə́bwə́: “À bə́kó, n nɔ́ n' yà-bəl̀̀wáále sũbri, zhəl̀̀ ñdé yà-zúlá.” N zɛ́ n' né n' nyí Yezu jal mós mə́ ló tɛ́ dè-jorhó w yó mós twéé, n lwar bə́ wó n'nyé yil Yezu jal ló tɛ́, n zɛ́ n' pwírí n' yà-bəl̀̀wáále shér rə́ yě́ mós n jirh fúlá, bə́ wó Yezu cìcì n' zwé né n'ò n' w ñdé né zwini rí n' zhí, èta n' né n' lwar bə́ wó n'nyé yà-bəl̀̀wáále yil bə́ cɛ̀mè Yezu. “Cinu Yi bə́ zhə́ zhe ce n'nyé yà-bəl̀̀wáále jòm n' yó.” (Ezəyi 53).

Shā́ ga n' wu w y'à sù ñdé cə́-byín jimdì dúdú, sə́ èlāsé Yi

ce rə Eshirhə náàcèné y pwè ré yər mo, e shàrh mò n jìrh námpwà òdè bədùkwele ta. Yezu jal mó jàn yilə. (Ezəyi 1:18). “Yi Eshirhə y n'è byili né wé pamparēè bè né wó Yi byä.” (Oróm 8:16). Èlāsē n zè n yè pamparēè bè: “Yezu zə n cìn n yè vwì-kona. Né zè né tó n jal mó denne né nə né cìnə, né ja né nə né dwéé ré sùbri. Èta Yi byili néba rə yò-ècòno w nánfòlò w rə wèrhé òdè néba mó.” (Efəeze 1:17). Yala shilə né yə-bəlwàálé zè nə du n wé rə yè Yi yäl shilə né nə nə zù n wé Yi tum rí wòrhó yilə “wó nmyè n jèrè n tó yé n swéné néba.” Ní gé lwar bè wó èta, n zè n só Yi òdè kon dèbé gakó rə wó Yi nyèné, n yè lú w òdè è wè ré nə.

Səsəyùlí tèbé wó vwámá né, rə n'è nyerhe yə-bəlwàálé. Vwámá né du bal mó wé, nə ñwéné pwè nə, e ja Shətana mye zhí è n'è nyí, è n'è yäl e k'a bè e zù è jàà y wa. Wó rəmyé yil Cinu Yezu né n cici néba bè né zə né yírhé, né ce Yi, né dùr Shətana yé né muni ga e vò kwā né e yè néba.

TABŪLÓ 4

Səsəyùlú w kòbó n'ò nyerhe kristə-lò mó mòbó n tó Yezu Kristə né Cinu òdè né Zwennə mó vwì rí n zwél n mə n zwé néba mó denne n nə yə-zùlé mó. Rə-ná-cí ké n tá n zhě n cìn dē yé. “Sə è gə wó àmyé yilə, à zhe né Cinu Yezu Kristə dè-jorhó w zhəna, b'ò ce a zè à n'ā nyí lú w òdè wó cú ò cù ta à yilə, òdè wó cú àmye cù ta lú w yilə.” (Galate 6:14). Yezu cù dè-jorhó yó, muni ga né tó n denne né yə lyi byèbé bè wó cángá: “n cici zwé né yə-bəlwàálé n mə n cì dè-jorhó w yó, muni ga né yə òdè wó cú né cù ta, né zè né jìrh cángá.” (1 Pyeere 2:24). Ní jìrh kristə-lò mòbó n cù lú w yilə. Galate 5:16 wé, bè byili bè né zhəl òdè Yi Eshirhə y gé n'è byili ní, sə né bèk'á k'é wèrhé òdè né yala né shilə né gé n'è yäl né yé. Galate 5:25 wé bè k'è wò: “Eshirhə náàcèné gə ñwéné òdè néba, sə né vò òdè è gé n'è byili ní.”

Səsəyùlú w kòbó wé, né nə bè zo Yezu. Bə lwər n gəmmə-zwísí be lyé mo. Né nə dämməshòóré tèbé lyi bí m'è mà mò

“À tó Kriste ne bæ
pəpa ne dè-jorhó
yó.”

Galate 2:20.

“Lwarna b'ă nyë
nde á cu á shér
yè-bə̀̀̀lò wé ta, á
zè á tó Yezu Kriste
denne á bwìrhì á
jìrh Yi lyì.”
Orom 6:11.

“Sè è gə wó àmyé
yilə, à zhe né Cinu

Yezu Kriste dè-
jorhó w zhènà, b'ò
ce a zè à n'â nyí
lú w òndə wó cú ò
cù ta à yilə, òndə
wó cú àmye cù ta
lú w yilə.”

Galate 6:14.



4. À tó Kriste ne bæ pəpa ne dè-jorhó yó

mó. Wó “còrhò-tum rí tètébè rə n'è pɛ néba yə-zùlé mó rə jòm n' yó.” “Bə cèmè mò némyè yə-bəlwàálé yilə. Pyō Erəde ñdá n' lyi bí mà mò ñdé dàmməshòré, bə pú sɔr yə-pú n' yó, è yə sánámá yə-pú yəl yé. Bə yə mɔ wèrhé ñdə pyō ta yé. Bə zè bə wili n' yé né bə n'è mɔn mò bə zhe: “né n'è .ce mó Zhwifubá Pyō!” Bə zè bə pùrh tètàr n' yó, bə vùr gándé n' yala nɛ, bə mà n' yó w nɛ. Bə gé wèrhé mɔ èta bə zhè, bə zè bə zə mɔ bə vò bə pəpa də-jɔrhó yó.

Lyì nánzhəzhə ñwéné, wó bə nyú w dúdú bə wó kristə-lyi. Bə n'è zhəl Yi-jùwə, bə n'è núná, bə n'è zwē Cinu kùjú wé, e já dē gakó bə n'è tó bə tùntwəð né denne bə pəpa bə Cinu mú də-jɔrhó yó. “È də lyi byèbé bə n'è byè nè bə Cinu, cinu bə la Arəzana tənà y wé zú yé. Wó byèbé bə n'è wèrhé à Da mó n' ñwéné Arəzana w mó pùbùlè mó, bə m'a zù è wé.” (Məco 7:21-27).

Səsəyùlú w òmyé cìcì mú wé, né nɔ bə Zhidə tə wársɛ 30 sónó dúdú yil n myini Cinu Yezu n yé. Wó wéré sónó ò pyi n' wu w ni. Shədéésé ju myiné sə m'e tó cəcɛ nɛ sə zə Yezu. Sə té tétéé sə m'e lwar lò ná-yil n' mà n jí n' kammə-zù-èdòlò wá. Rəmyé wèrhé kɔn tó ñdé Yi nyi-zwennə bé gé byili ní. Yi nyi-zwennə bé wówə: “bə təl n' gándé, bə zè bə té tétéé bə m'e lwar lò ná-yil n' mà n jí n' kammə-zù-èdòlò wá.” Bə zɔ Yezu bə zwē n' kɔn gakó, bə zhè mò bə wò: “né t'á yəl sə bal mó mòbó jí pyèlè né yó yé.”

Lyì bí n'è yəl sə Yi cí bwəl bə yó, rə ce dwà y nyò, rə ce nənyónó lyi, e já bə bə shè sə bə kwè bə cìn bə ce Yi dúdú jš w yé. Lyì jàlà ñwéné, wó zwini gə tú è zhe be dē fòró bə zè bə n'è lyirh bə Yi ñwéné.

Shədəáá èdù zè e zə swé e m'e zò Yezu sépún ni, nē ñdé jal du. Rəmyé kwā né, cə-bya tú e kúrh, rəmyé yi ní Pyeere zhì zhì kə-byi èdù yé né n bili bə n' yəl Yezu pár yé. Pyeere zè rəmyé kwā né ñdé cìl n lwəl sùbri ñdé wu-zhilù nánfòlò. Né shéné né b'á tó né tùntwəð né ráá né zòmà denne né bwəl Yezu yò né byili? Ráá n' yò bwəl e byili cizhil zhe

néba? “Lò mòbó gako ñ zhì lỳì bí yé né ñ byili pamparēē bə ñ zù àmyé, àmyé m’a zhì à Da mós ñ ñwéné Arəzana w mós yé né, a byili bə ñ wós àmyé lò. Sə lò mòbó ñ zhì lỳì bí yé né ñ wós bə ñ yəl à párá, àmye m’a zhì à Da mós ñ ñwéné Arəzana w mós yé né, a wós b’á yəl ñ párá yé.” (Məco 10:32-33).

Yezu wòwə: ‘lò mòbó ñ yə ñ dè-jərhós w kwè ñ zhí ñ mé tó à kùrə, ñ wàr ñ yəl à kwā-lò yé.’” (Məco 10:38). Wu-nyž cìnə wós lỳì byèbè Yezu wós bə Pyō bə Yì ni Yì ni zhú mú wé.

Ñmyě ñ wós
À Yì rí rə·n’è zal à wu ni
Ñmyě sō à n’ā shèè né
Ñmyě ñ né ñ sē ne à zhì kēkē
Ñmyě ñ wós
Ñmyě ñ né ñ yilì nì
Wós Yezu, à Zwennə mó.


TABLÓ 5

Nyīnə numbyíní y kèbè è nɔ è yə-bəlwáálé súbri è wu w jírħ wárhgáá e nə vwárh Yì gé zhe wu-bòndò w mós yilə. Numbyíní y èmyé wu w jírħ Yì-jì zhèn zhèna. Wós gàà mós Yì Da, Yì Byì ñdé Yì Eshirhə y ñwéné ñdə Yezu Kristə gé bwəl nyí ní. “Lò mòbó ñ só ne, ñ m’ă zwé à zòmà né ñ cí ñ wé. Sə à Da mà n swéné mó. Rəmyé ce àmyé ñdé à Da ga m’a bə ñ sō, né mē ñdé mó.” (Zhā 14:23). Wós Yezu Kristə jàn yil Yì n’è cí bwəl numbyíní yó rə cí y sómá cángá yó.

Yə-bəlóló w shér numbyíní y èmyé wu w wé, e jírħ Yì jì. È k’è dè Shətana y è wós koma cébal mós è zə vwámá è ñwéné wu w òmyé wé yé, èlāsè è jírħ zhèn-cí Eshirhə náàcèné y è ñwéné. Shāā ga, è y’á wós shilə námmləwálsə sə y’á ñwéné, sə èlāsè k’è dè səmyé yé, wós Yì Eshirhə y è ñwéné è n’è ce è byā bé bə wós: sónó, wu-nyž, yə-zúlé, cìn-lwəl, wu-bwəbwé, wu-bòndò, wu-pò, yala-zhìlù ñdé cènè tǔ ñdé byā dwā byèbè bə càn Yì ñdé numbyíné bé yilə. Rə-ná-cí mú

Dwā sónó,
Wu-nyǎ,
yè-zùlé,
yala ne zhìlù,
cènè wòrhó,

dwā ne sǎō,
e zhè dwā zhènà,
wu-bònò òdé
cìn-zal
Galèshi 5:22



5. Numbyíní wu w wó Yi jì

cõ w ná yá, sә jә y èmyé b'a ce byä. Wó ñ gé zù Kristә n né ñ zwē ñ nyé né mó è ce ñ né ñ ce byä nánzhèzhö. (Zhā 15:1-10). Rә-ná-cí shèné n zù Yezu Kristә, n sú ñdә Eshirhә náàcèné, n zwē nē-sho Eshirhә náàcèné wé, rәmyé ce ñ wö ñ cē shilә námmәlwälsé yò, n pәpa ñ tuntwәә né dә-jorhó yó. N tá ñ tó Yi ni wè ré tèbé ñ yírhә nè mós, ñ zhǎ nyé mó ñdә tèbé ñ né ñ zә ñ jә ñ dwèrh mó dúdú yil yé. Wó ñ Yi ni zhú mú yil ñ né ñ tó Yi ni Yezu Kristә jàn yilә. Wó rәmyé è ce ñ zhe ñwónó lú w kòbó wé. N zè ñ né ñ dè Yezu Kristә twírí yá, ñ yé pamparēē bә ñ bà n nè cәl Yezu Kristә sō. N né ñ zhәl ñdә Yi sónó w ò ñwéné ñdә mó byinә nè bә zhö zhe yilә.

“Wu-nyö cíné wó lyi byèbé bә wó wu-pò cíné, bә bә m'a nè Yi ñdә bә yírhә.” (Mәco 5:8). Pyö Dәvyidi yà ñ zhe nècèndè, n jà ñ yà ñ né ñ jí bele ñ zwè bé yó, sә ñdә rәmyé ga, ñ yà ñ yé bә búlé né nánfòlò w wó ñ wu w wé nè ñwéné. N gé yé bә ñ zhe lwelә ñ wu w wé mó ce ñ wòwè: “zhèná, Yi sē ne rә vür jimdí à wé, rә ce à wu w k'a kwèrhe ò n'ò wèrhé rә pùbùlè né.” (Nwәә 51:12). Nәmyé mәdù ga wàr ñ cìcì yò ñ la kәrhö ñdә Yi yé, né mә sә né lwèl sübri Yi ni ñdә wun wakò ñdә Dәvyidi ta, fòró né yò kwèrhe ñdә Yi. Dәvyidi lwèl wu-nándù Yi ni. Èta, Yi n'è yäl rә sē nәmye ne rә pә néba wun nándùn. È dè né kammè-zwisí né b'ä kār, ráá né pyà bùrì né pә né cìn nì ráá né bwel nyé né pә yi ni yil né yò b'a kwèrhe yé. Wó Yi cìcì rә b'a sē néba. Wó rәmyé è ce rә wòwè: “à m'a ló Yi nē á yó á jírj wárhgáá. À m'a pә ába wu nándù ñdә éshirhә nándwè. À m'a vür wu-kùlù á wé a zè a pә ába kòbó ò dè nánkùlù mú. À m'a ce à Eshirhә y á wé, a zè a ce á wèrhé ñdә à nyé né gé n'è byilli ní.” (Ezәcәә 36:25-27). Èta, Yi dәbré nándùl ré sèbé ré byilli bә Yi tó Yezu Kristә dènnә rә zә dәbrә ñdә numbyíní.


Sәsәyùlù w kòbó wé, Yi màléka y zhǐ. E jà wó Yi màlékabá Yi ce sә n'è twí lyi bí byèbé bә la nyü mè t'á la zhö nо mó yilә, wó sәmyé sә n'è yilì lyi bí byèbé bә n'è dùr Yi mú. (Nwәә 34:8; 91:11-12; Dәnәyәә 6:22; Mәco 2:13; Tuntumә 5:19; 12:7-10).

Né nə Shətana mye è ɲwéné Səsəyùlú w wé. È zhǐ numbyíni y shishùrú w nyí ní. È n'è dè è gə nɔ bəl s'e k'a zù è jàà y nándwá y wé. Wó rəmyé è ce Kristə tùntúm mú né n' cici nába bè né zə né yírhé né lwəl Yi. N' wòwə: "dèna, á bàk'á yě á surhə né pyi yé, bà Shətana y è wó zù-bal mó n'è jíl dè è b'è swè ɲdə bɔɔ ta, è m'è pyà lò m̀b̀b̀ è b'a nə s'e zhilì n' yò." (1 Pyere 5:8). E n'è jírɲ ɲdə m̀l̀l̀ka kèbè è wó pwè-cí ta, è n'è swèlè kristə-lyì bí ɲdà lú w shilə wè ré, è m'è jájèré be bà rə wó zhəna. Sə né gə cè è sòlò mó è m'a dùr e yě nába. (Zhake 4:7).

TABŪLÓ 6

Nyíne lò mó m̀b̀b̀ Shətana dwé mo mó. Rə-ná-cí wu w zè o zhilì kókó. N' yírh rə̀d̀ù pyi, n zè n' né n' swè bè n' wó kristə-lò. N' yírh ré dō mó zè rə n'è yál rə nyí lú w wè ré. N' yírhé né k'è bæ né ne cènè yé, n' wu w wé mye n' ká n' bæ Kristə ne n' Yi ni zhú mú wé yé, sə n shènè n tó Kristə ne n nwènè yé. Shətana zè è n'è swèlè mò kɔn gako wé, n' wàr sə n cè Kádò yé. N' ká n' tá n' cili kɔn dèbè Yi n'è byilli mu yé, n zè n' né n' cili koma bé byèbè Shətana n'è bwəl mo bà nyí mú. Rə-ná-cí zè n' né n' shèè kɔn dèbè n' né n' wèrhé lú w wé mó n' wé, e jírɲ wó Yi sómá y dúdú yil ré rə ɲwéné n' nyú wə, n' Yi ni zhú mú ɲdà Yi sónó w ga k'è tènè yé. N' wu w k'ò bæ jàà è̀d̀ù zhǐ yé. Lò gə nɔ mɔ n' né n' b̀l̀ bè n' só Yi, e jà wó koma, wó lú w wè ré n' só. Shāā ga n' Yi ni zhú mú y'à n'è jájèmé ɲdə càm̀m̀s̀wá ta, è̀l̀s̀s̀ rəmyé gako jé. N' ká n' tá n' zhǐ n' dè-jɔrhó ɲdə wu-nyǝ yé, e jírɲ zhǐ nánfòlò n' yilè n' ká n' tá n' yál zhǐ yé. N' Yi ni zhú mú jé, n' ká n' tá n' wèrhé Yi-co yé, n' swè kɔn dèbè gako n' yà n' né n' b̀l̀ ɲdà Yi mú yò, n' yě n' wu w ni n' pə Shətana ne e zù. N' zè n' né n' tó lú w lyì bí kùr n' yě n' dwā kristə-lyì bí ni.

Kú-nəbyil-è̀d̀l̀ò w ɲdà ò cìn-byilu mú dwí rí zè o zù n' wé. Rə-ná-cí swè bà Kristə swénè mo n' vwàrh mɔ n' yə-bəlwàálé wé. E jírɲ wó sé nyó yò è zù mù. Èta, rəmyé dwí rí n'è yí kristə-lò m̀b̀b̀ gako n' né n' tó lò m̀b̀b̀ n' dè kristə-lò mó né. N' né n' tó lò m̀b̀b̀ n' dè kristə-lò nè n' zhəl címsi jàà wà, n



6. Numbyíní wu kǎbó Shətana dwé mó

zè ní ná ní bùl bà ní dwā kristə-lyì bí bæ mo ne yé, n tó lú w lyì bí ní ní ná ní lálá sé mó námpólé námpólé. Èta, kristə-lò Yì sómá y n'è tó né è jì kùr è cò, ní tá ní lwar yé. Rəmyé yì ní, Shətana zè è n'è byili mu bà sé nyó twər rədu sá t'á cò Yì sómá yé. Wó rəmyé yì ní lú w wè ré shil ré zè rə n'è zwi ní wé. N zè ní ná ní wèrhé ñdə rəmyé dè yò ta, ní ná ní zhəl sé nyó jààsé ñdó dədaálse jààsé wé. Shətana zè è j'á n'è nyèrhè ní nà nè bà ní zhəl bà rəmyé t'á cò kaka yé, bà lyì bí gako n'è wèrhé èta. "Bè yə-bəlòlò wòrhó twər rədu dè yò yé."

Zhənà, kúmsi gə zè sè ñwéné dè né yó w sè n'è twì lwele, ná wàr né la rəmyé yò cò bà sè bàk'a wèrhé yé, sə né gə kwě né n'è nyí, né zè né shènè lwele rəmyé zù né wun ní wé wó rəmyé è wó yò né yilə, èta, kúmsí b'a jì lwele càlà né wun ní wé nə lwərth tumə námməywaàlè. Né gə pə né jə-fólé Shətana ne, sə né lwar b'è b'a zə né jè y gako ne, e zə né námpúm e m'e vò myín-jù w byinə nè bæ zhǒ zhe yilə. Wó rəmyé è ce Yì n'è cící néba bà né yé bəsóné yala silə né ne, né bàk'á dèdal ñdó yə-bəlòlò dwí kwəl kwəl yé. Dè gako sə né dùr né bà Yezu sono, bà wó ñmyé ní wó né Vwàrhna ñdó né Cinu.

Bal mó mòbó á no ní zo numbyíni shíshùrhú w ní èsǎyùlú w wé mó né nyèrhe lyì bí byèbè bà n'è mòn kristə-lyì bí mú. Tùurhí ñdó mòn né tèbé rə n'è dwí lyì bí bəmyé nyú w mú n'è zwè kristə-lyí bí wun wé ñdə cama ta, rə cèmè be bà wé. Rə n'è ce bà wun ní k'é bæ jàà èdu zhí yé. Lwar bà kristə-lò mòbó ní ná ní dùr rəmyé ywé, rə-ná-cí ké ní tá ní dùr Yì ywé yé. Lú w lyì bí zòmà né ywé gə zhe kristə-lò, n jìrh lú w zòmà né yóm, n yé ní Yì ní zhú mú ní. Twélé gə zù kristə-lò wé nè zhè, n zè ní ná ní kwè lyim, ní wu n'ò zhìlì. Shətana y è wó dom mó námməlwèélé y mó gə zù kristə-lò w wé, rəmyé yì ní, cìn-byilu ñdó bæ-wā-swénne zè rə ñwéné né cəcəl wə.

Kon gə wó èta, né k'é t'á cili né Cinu Yezu Kristə cícú mú, sə né m'é lwar bà səbyí sónó bæ bwəl né wé zú nàná yé, ní wòwə: "Zəna á yírhé, s'a lwəl Yì, mùnì Shətana bàk'a

ɲwɛnɛ e swɛlɛ ɔba yɛ.” (Mɛco 26:41; 1 Korɛte 10:12). “ɛta, lɔ mɔbɔ n nɛ n bɔl bɛ n zhɪ kɛkɛ, sɛ n dɛ n bɛkɔ n tu tɛ yɛ.” “Kwɛnɛ Yi bɔlɛ nɛ wɛ rɛ gakɔ a zɛ ɔ jɔ wɔ, mɔni ɔ ɲwɛnɛ n zhɪ ɔ cɛ Shɛtana sɔlɔ mɔ.” (Efɛɛɛ 6:11-18).

TABŪLÓ 7

Sɛsɛyɔlú w kɔbɔ n'ɔ nyerhe kristɛ-lɔ mɔbɔ n yɛ Yi ni zhú mú ni. Yi y'ɔ zɛ rɛ pwɛ rɛ rɛ yɛr lɔ mɔ nɛmyɛ, n lɛlɔ Yi penɛ yɔ, Eshirhɛ náacɛnɛ sɔ n yɔ, rɛmyɛ kwá nɛ n zɛ n yɛ sɔmá nántwɛ y ɛmyɛ mɔ nɛ. Sɛsɛyɔlú w súlí ɔ n'ɔ byilli rɛ-ná-cí mɔbɔ n yɛ n wu w pyirhí gaga, e jà n nyɛɛ Yezu Kristɛ yò-ɛcɔnɔ nyí rí náacɛnɛ, n lwar kɔn dɛbɛ rɛ n'ɛ yál bɛ n wɛrhɛ mɔ. Lɔ mɔbɔ Yi gɛ byilli mu rɛ zɔmɛ rɛ n zɛ n cɛ, rɛ-ná-cí gɛ zɛ n la n kɔn dwí tɛtɛl wɔrhɔ myɛ rɛ t'a zwɛ nyí yɛ.

Yezu cíci lyi bí n byilli lɔ mɔbɔ n yɛ n Yi ni zhú mú ni gé wɔ kɔn ná-dwí yilɛ. (Lwiki 11:24-26). “Nɛcílí námmɛlwɛlɛ gɛ y'ɔ ɲwɛnɛ lɔ wɛ, e zɛ e shɛr, ɛ y'ɔ vɔ ɛ n'ɛ pyà jàà kɛbɛ ɛ wɔ jɛ, mɔni ga e shírɛ gáà. ɛ gɛ pyà pyà ɛ gowa, ɛ y'ɔ wɔ: ɔ m'a k'a vɔ ɔ jàà y nándwá y wa. ɛ gɛ k'a kwɛ ɛ tú e pwírí bɛ zwàr jàà y bɛ kwɛrhe ya. Rɛmyɛ yɔ, ɛ k'a n'ɛ kwɛ ɛ zhɛl ɛ zal ɛ dwá nɛcílí shálpɛ, sɛmyɛ lwele rɛ k'ɛ du ɛmyɛ nyán rɛ, e m'ɛ bà, sɛ tɔ dwá sɛ zù sɛ jòm lɔ mɔ wɛ. Rɛmyɛ yí ní n zwini rí n'ɛ dwini shāā ga nyán rɛ.” (2 Pyɛɛɛ 2:22). “Sɛswalá ɛdù ɲwɛnɛ ɛ n'ɛ wɛlɛ: kúlí y'a tɔle, e k'a zhízhílí e jí ɛ tɛtɔlɛ.”

Yi zɔmɛ rɛ sɛbɛ jààsɛ sɛmyɛ n'ɛ byilli lɔ mɔ mɔbɔ n yɛ n Yi ni zhú mú ni ráá rɛ-ná-cí mɔbɔ n yɛ n wu w pyirhí gaga gé wɔ kɔn ná-dwí yilɛ. Yɛ-bɛlɔlɔ ñdɛ ɔ ɲwɔnɔ w gakɔ k'a n'ɔ twí ɔ zwí n wɛ o zwɛ n wu w o cini. N gɛ nyí rɛ-ná-cí yɛ yɛ, n b'a pwírí ɛ pɔn kókó, sɛ lwar bɛ wɔ tɛbɛ rɛ ɲwɛnɛ n wu w wɛ mɔ rɛ ce n wɔ ɛta. Eshirhɛ náacɛnɛ gɛ wɔ wu-bɔnɔ cí ñdɛ ɛpwɛnɛ ta mɔ ce ɛ n'ɛ dwi rɛ-ná-cí wu w wɛ, bɛ ɛmyɛ ñdɛ yɛ-bɛlɔlɔ wàr rɛ jòm jàà ɛdù yɛ. Numbyíní wu w wàr ɔ yál Yi jí o j'a yɛ Shɛtana myɛ jàà yɛ. Yi málɛka y ɛ n'ɛ nyerhe Yi zɔmɛ rɛ mɔ, du ñdɛ wu-zhilú ɛ la ñdɛ ɛ n'ɛ



7

7. Numbyíní wu w kòbò ò yě Yi ni zhú mú ni

nyĩ è kwā né, è n'è bùl bè dèga rè-ná-cí m'a n pyĩrhí n wu w ñdè bal mó n byĩ mú yà n jé mó gé wèrhé né ta. (Lwiki 15:16-18).

Sēsāyulú w wé, né pwírí bal mó yè n wu pyĩrhí n ká n bè Yí sono zhèn zhèn ga yé. N yè n wu w pyĩrhí n lwèl sùbri Yezu ni yé. N wu w jĩrh nánkùlù ñdè còbó ta, ò dè. N jè n tá n zòm yé. N zhǎ né zhĩ sè n bæ Yezu zòmà né nyè yé. N yírhé né shĩrh, sè ñdè ròmýé ga n bæ myĩn-jì y gór" w ò bæ kùr zhe ò la wé wé gaga mó ne yé. Dèga lyi bí gè nò mò bæ gwě n'è nyàm mò bæ n'è nyĩ mu ñdè kristè-lò páá ta. Èta, n jĩrh ñdè lú-bòl mòbó bæ kwèrhe mèt pwè nè mó ta, e jà mò wé mó wó lwé ñdè cú-còòle dúdú. (Mèco 23:27).

Rè-ná-cí wu w wé mó jĩrh wó koma bé da mó n zè n ñwéné zhèn-cí Eshirhè y jàà y wa. Èlāsè wó vwàmá né ñdè yè-bèlwàálé ñdè ywéise námmełwálsé rè cí n wu w nánpúm. Rè-ná-cí gè zè n né n yál n vwarh n cìn wè ré ròmýé jò w mye, rø cè rø ñwéné. "Lò mòbó gako n yà n cè Muiysi nyé né, lyi bèlyè ráá lyi bètò zè bæ yè n yò w zhèn-cíné, bæ n'è gwi rè-ná-cí. Bè t'á dùr n nònò yé. Ròmýé ce, lwarna bè lò mòbó n tá n nyàm Yí Byĩ mú mà n nò zwini nánfòlò du, bæ n tá n zè n jal mó Yí tò mè denne rø zè dobre ñdè numbyíní mú n mé n yàl kò-twé, è jà wó mèmýé denne numbyíní yè-bèlwàálé tò né rø shér e jĩrh wárhgáá." (Eberèbá 10:28-29 ñdè 2 Pyeere 2:1-14).

À lò, ñmye wu w gè nyè èta, sé pyĩrhí n wu w zhèn zhènà, ce jàn né èlāsè n byè Yí ñdè n wu gako, rø wó rø b'a pò n yè-bèlwàálé gako sùbri. Bè Yí sono ñdè yi-kon ré cébal mó gé tú Yezu sono ta, n tú Yezu sono n wò: "Kon gè wó n bùlè, n wó n wárh ne a jĩrh warhgáá." (Marke 1:40-41). Sè n gè cè n wèrhé wu-kùlù, n gè só cè-byín rí du pwè ré, sé lwar bè n tá n la kaka nò Yí sono yé, bæ wó ñmyé cìcì n pyà cu mú n yè nyũ mú ni "Yè-bèlwàále kwände wó cu." (Oròm 6:23).



8. Yə-bəlòlò cébal yó guré

TABŪLÓ 8


Sèsǎyùlú w kòbó wé, né pwírí cu mú yú rə-ná-cí m̀b̀b́ n̄ yě n̄ Yí ni zhú mú ni, ráá rə-ná-cí m̀b̀b́ n̄ né n̄ wèl bə n̄ mà n yě n dè dè dō sə n pyrhí n̄ wu n zù Kristə mó ne. Rə-ná-cí wu w sú ñdé wele dúdú, ywé nánfòlò zhe mo cu mú m̀ b̀n̄ bàn mo zal mó yilə. Èlāsě cu mú yú m̀ zhǐ n̄ nyí ni, yala né shilə né n̄ n̄'è ce n̄ wèrhé yə-bəlwàálé mó gako jirh nánfò, e jirh wó yə-bəlòlò kwándé nánfòlò w ò zhǐ ò n'ò dè mò. N zè n̄ né n̄ b̀l̄ myin-jì y zwini rí yò, rəmyé yi ní n pwírí n̄ ké n̄ wàr Yí n̄ la byò mye yé. N̄ gə zè n̄ ji kùr n̄ la Yi-co wòrhó mye kɔn k'è wàr yé. N̄ dowabá mye cìcì zè bə n'è dùr n̄ nyí ni, bə zòmè rədù ga k'è wàr n̄ wu ni rə n'è zal yé. N̄ cəcèndé rədù ga wàr n̄ myəl dwèlè rə la súlú yé. Rə wàr n̄ ywélé rə la vwàrh yé. N̄ ké n̄ wàr Yí ni n̄ la zhú gaga yé, bə n̄ yě Shetana cèr n̄ yé né n̄ yə Yí zwì yé.

Kɔn dèbé gako n̄ yà n̄ só mó k'è bə mo só yé, n̄ kèlé y cìcì lyì bí mye k'è wàr kaka bə la wòrhó bə m'è sē mo yé. Rəmyé yi ní n zè n̄ né n̄ b̀l̄ n̄ wé n̄ zhe: “Lò m̀b̀b́ n̄ wèrhé rəmyé n̄ gə tu Yi nányi y j̄ wà, zwini nánfòlò b'a zə mo.” (Eberəbá 10:31).

N zè ji kùr n̄ né n̄ téré n̄ wé bə n̄ gə yà n̄ dāmă n zù Yí y'à cǎ. Bá n̄ n̄əbwènè ré wé mye n̄ né n̄ yàl n zù Yí, sə kɔn wàr yé. Lyì nánzhəzhǐ tu n̄əbwènè, bə pyè gàà mó bə byè Yí sə rə vwàrh bə, sə bə yə n̄wènè yé, bə cì. Sèsǎyùlú w kòbó wé, yə-bəlòlò w cəbal mó cu mú yú mú èta mó, yə Yí zòmè ré rə b'a zwé mo mó cili yé. N̄ yə n̄ Zwennə mó zòmà né cili yé. Èlāsě wó m̀b̀b́ n̄ la n̄ b̀rsí kó mó zòmà né n̄ la cílú. “Ámyè byèbé á yə à Da mó bwəl ré ne mó, lyēna à yala ne á vò myin m̀b̀b́ m̀ t'á cì gaga bə tene Shetana ñdé m̀l̀ékabá yil mó wé.” (Məco 25:41). “Numbyíní gako m̄ s'è cì t wər rədù sá fòró bə ké è b̀rsí.” (Eberəbá 9:27).

TABŪLÓ 9

Sèsǎyùlú w kòbó n'ò nyerhe kristə-lò mó m̀b̀b́ Shetana sòlò



9. Wu kòbó ò cébal mó ju bele

mó gə tú mye ń né ń zhì ń nà yó kéké n jí bele mó. Shetana gə swèlè mo mègǎ mègǎ ń né ń zhì ń nà y yó kéké kon m'e yí ń cu Yezu Kristè jàn yilè. Rè-ná-cí wó Yezu Kristè dúdú ń n ń nyí, wó ńmyě ń wó ń Cinu òdé ń Yó-cébal ń Yini zhú mú wé. Kàrmò Ebərəbá 12:1-2. Kristè-lò mó ńmyě yě yè-bèlòlò w ò wó zhĩĩ numbyíní yil mó ne, n zè ń ńwéné sómá y kèbé Yí byili mu mú yó.

Shetana y òdé è kwā-lyi bí kékélé kristè-lò wu w ni, bè n'è yāl bæ ce Yí lò mó yě sómá y kèbé è càn mó ne. Sèsəyùlú w wé bè zə wè nánzhèzhǒ bæ m'e nyerhe Shetana tuntwèè né numbyíní wu w wé mó. Wè ré rəmyé mó wó: cìn-byilu, səbyĩ sónó, nècĩsi námməlwǎsə e súlí rə dwā nánzhèzhǒ.

Sèsəyùlú w wé wó bèna à k'á zhĩ jəl ré jàà wà. Yè-bèlòlò w n'ò tó wè nánzhèzhǒ denne ò yí ní lò.

Kristè-lò mòbó ń né ń zhìli ń yala ne mó, ń né ń lwar kɔn dèbé gako yè-bèlòlò n'ò tó rə denne ò zal lò mó yé-shò bá ò gá tó Yí-sómá denne ráá ò tó tuntwèè nyèbé nè nyě òdé pwè-cí Eshirhə y nyèna ta ò la m'e swèlè mò mye ń né ń lwar. Yí zòmè ré gə ńwéné òdé kristè-lò mó ce wó rəmyé rə n'è zal mɔ rə m'è zhèl zhèn sómá yó. Sèsəyùlú w wé, lò zhe sě kǎ-zòm ń jǎ w ń mé ń sɛ, rəmyé gako wó kristè-lò mó ń mé ń swèlè ń byili bè lū w wè ré càn. È gə wó kristè-lò mòbó ń zhí Yí ni kéké, rəmyé rədu ga wà r mɔ kaka rə la wòrhó yé, bè rè-ná-cí tó Kristè ne n cì dè-jorhó yó lū w wè ré yilè. Lū w lyi bí zè bè n'è tũrh mò, bè n'è ji mu búlé; bè n'è wèrhé èta bè m'è swèlè kristè-lò dɛ gako, èta kristè-lò mó né ń lyirh Yezu zòmè ré “Lyi bí gə n'è tũrh ába, bè n'è nwènè ába, bè n'è gòm kɔma bè cĩ ywè nánzhèzhǒ á yó wə, àmyé kùr tó yilè, s'á lwar bè á wó wu-nyǒ cìné. Fũnè òdé wu-nyǒ nánfòlò, bè kwǎnde nánfòlò zhĩ Arəzana w á yilè.” (Məco 5:11-12).

Yè-bèlòlò w numbyíní só è wu w wé mó wó: è nèbán mə “amyě”. Wó rəmyé è n'è ce kristè-lò yě ń Yí ni zhú mú ni. Né gə t'á yāl rəmyé, némye wó né wəl. òde Kristè tuntúm mú ta òdé wu-nyǒ. N wòwè: “Bèkón rə wó rə b'a cèr Kristè òdé

néba sónó? Zwini ráá wu-zèé ráá nònò? Nòrh ráá nèmòòrè? Yò-càèlè ráá cu? ...ndé rəmyé ga, né jú bele rəmyé gako yó, mòbó n̄ só néba mó jàn yilə.” (Oròm 8:35,37). Kristə-lò gə zù Yì búl é né wé ré gako, zwini gə tú rə zə mo mye n̄ né n̄ zhì kéké sòlò yì ní. Némyé wó né jí bele kən gako yó Yezu Kristə jàn yilə.

Càmmésòwá y è n'è byili numbyíni y wu-bùlè né mó n'è jéjémé. Kristə-lò mó n̄myé sú ndé Eshirhə náàcèné ce n̄ zhe wu-nyò nánfòlò. Yì màléka y zè è zhì n̄ yó wé, è n'è lyìrh mo kən ré dèbé Yì bwəl rə nyí rə la byèbé bə b'a zhì kéké kən m'e yì bə cu mú mú ni pə mó. Rə wòwə: “Lò mòbó n̄ la bele jú mú, à b'a p̄ sómá n̄ jí nyũ cō w ò ñwéné Yì bós w wé mó byā bé... cu twər rəlyè nyān mó wār kaka mē la wòrhó mòbó n̄ la bele jú mú ni yé... lò mòbó n̄ la bele jú mú, à b'a p̄ máne è shèè, sə à b'a p̄ nékul-pò, yil nándùl kē ò yó, Lò mòbó n̄ la tũ àmyé yil kən m'e yì cə-kólé y mó, wó n̄myé n̄ mà n̄ jí bele. À m'a p̄ ñwónó ndə à Da gé pə ne ñwónó né n̄ cìní tənèrh.” Lò mòbó n̄ la bele jú mú, n̄mye b'ä n̄ zù kàmè-zù-pwā èta. Sə à t'ā la n̄ yil ré pópò nyũ mē t'ā la zhò sébé ré wé yé. À m'a byili à Da ndé màlékabá yé né bə n̄ wó àmyé lò. Lò mòbó n̄ la bele jú mú, à b'a ce n̄ yè ndə dā ta à Yì jì y wə. N̄ tá n̄ la du gāà gaga yé.” “Lò mòbó n̄ la bele jú mú, àmye b'a zə mó n̄ vò n̄ jòm à pyèlè dègwā y yó.” (Kən dèbé Zhā n̄ 2:7,11,17,26: 3:5,12,21).

Sèsəyùlú w wé né nə warse ləbò ò nyíri pul ò zhì té. Rəmyé n'è byili bə kristə-lò mó kwè n̄ səbyí mú mye n̄ pə Yì ni. N̄ ké n̄ tá n̄ zə n̄ səbyí mú n̄ wèrhé yàà yé. N̄ gé zhí Yì ni mú ce, n̄ kwè n̄ səbyí mú n̄ mé n̄ sē nəmwa nè, n̄ kən dèbé gako n̄ zhe shí wé Sèsəyùlú n̄ né n̄ vür rədù n̄ pe Yì ni, n̄ né n̄ zə n̄ kən ré gako n̄ mé n̄ cèrhé Yì nampúm.

Sèsəyùlú w wé né nə búrí òdù ndé mómwā èdù rə ñwéné. Rəmyé n'è byili bə kristə-lò mó jìrh wu-pò cí, n̄ ké n̄ tá n̄ jí kùjú kən lyē ce ne yé. N̄ tá n̄ nywè sē yé, n̄ tá n̄ jí vwà má jal yé, n̄ tá n̄ jí kən dèbé rə zhe jìmdì gaga yé. N̄ ké n̄ tá n̄ ywàl n̄ warse yàà yàà yé, n̄ yala né jìrh Yì jì, ce n̄ ké n̄

tá n cò rè òndé fwèl tumə yé, n tá n ce nówó yé, n tá n nywè shəgeré yé, n tá n nywè dòróge ráá cəm dwí m̀b́b́ gako mè n'è cò numbyíni yé. Èlāsé wó kùjú k̀b́b́ ò càn ò n'ò sè numbyíni yala né ne m̀b́b́ n né n jí. N wu w jirh Yi-co jàà. N zè n né n zhèl kristə-lyì bí dwā-gulú w jàà wà, n tá n kwàrh gaga yé, bá yè-còlò yì ní mye n né n zhèlè. N né n wèrhé Yi-co n sò kèlé wa nmyè òndé n dwí rí, ráá n dúdú, bə n yè bə kristə-lò wàr n bà n wèrhé Yi p̀b́b́lè òndé rə-ná-cí tá n wèrhé Yi-co yé.

Səsəyúlú w wé, sébé ré rədù púr rə zhí. Rəmyé wó Yi zòmè ré sébé ré, n né n kàrmò rə dē gako, rə n'è pe mo surhə òndé jàn òndé nyū òndé pwè òndé nəcèndè tèbé rə dè ŋwòlè nyān. Wó rəmyé rə jirh pàntémé n nèrh kùr wə, rə wó Yi búlú né shù n mé n bwí òndé n zwè bé. Rə wó kɔn dèbé ré càn n yilə, rə wó n ywélé kùjú dē gako, rə wó nē n ywélé n'è nywè, e jà è n'è she, rə wó zhèzhé n m̀b́b́ n nyí n wu wé.

N né n zhí n dè-jorhówá, bə n yè bə n gə yè n dè-jorhó w zhí n tá la pyèlè yó-pú w no yé. Èlāsé n yè bə n tó Kristə ne n bwirhì n zhe nyū nándù. N né n pyà wè ré tèbé rə ŋwéné dē Arəzana w m̀b́b́, lò lò yírhá bə re ne m̀b́b́, wè ré rəmyé ŋwéné byinə nè bə zhǒ zhe yilə. N sò sə n vò Yi sono, n nyè òndé wó cò k̀b́b́ ò zhele bù-nà ne ta, ò n'ò ce byā, n nyè òndé sé-cǒ jè kèbé è zhí sé-cǒ w páá m̀b́b́ ne ta, e zè è n'è ce byā nánzhèzhǒ. Rə-ná-cí ké n tá n dūr cu ywé yé, bə n sú òndé Yi sónó w òndé Eshirhə náàcèné nampúm.

TABLÓ 10

Yezu wòwè: Zhā 11:25-26, “Àmyé à wó b̀rh̀h̀ òndé nyū mú. Lò m̀b́b́ n zù àmyé, bá n cù mye, n b'ā zə nyū; lò m̀b́b́ n wó lyi-nyì, n jà n zù àmyé, n tá la cú gaga yé.” “Lò m̀b́b́ n né n cili àmyé zòmà né, n jà n né n zwè m̀b́b́ n twì nì mú nyí, rə-ná-cí zhe nyū mè t'ā la zhǒ, sə bə t'ā la n b̀rs̀ kó yé, bə n tó cu wé n lyè n vò nyū wé.” Cu òndé kaka ywé k'è t'ā zè kristə-lò wu ni yé. “Sə yala né nyèbé nè n'è cì nè bwár m̀b́b́ gə tú nà k'è t'ā la cú nə bwár, rəmyé yì ní, kɔn ré dèbé



10. Zú n wvǎrhna mós pyèlè ré jàà wà

rè kè Yi zòmè ré sébé ré wé mó b'a pìrh. Bè kè rè wé bà wò: Cu mú jàn gowa, bà ñwéné mo. Cu, yè ñ jàn ré ñwéné? Cú, yè ñ swà y ñwéné? Wó yè-bèlòlò ò wó cu mú swà yá. Sè wó Muiiisi nyí rí rè wó yè-bèlòlò jàn ré. Cenè né ce Yi nèbàná, bà wó rəmyé rè ce né jí bele né Cinu Yezu Kriste jàn yilè." (1 Koréte 15:54-57).

Pwæ yàl lò mòbó ñ yà ñ zhí Yi ni nampúm, ñ yè cu ywè dùr yé. Wó rəmyé è ce ñ cu mú dè ré gé tú e bwəse yi ní ñ wòwə: "Àmyé n'á yál a zhír a vò yè né ñdé Kriste, bà wó rəmyé rè cǎ." (Shilipu 1:23)

Kriste-lò mòbó ñ zhí Yi ni ñdé ñ wu gakó né ñ yál n vò Yezu Kriste sono bæ nə dwā, bà wó Kriste ñ cù dè-jorhó yó n mē n wārħ mo. Eshirhə náàcèné n'è lyírħ mo kɔn dèbé Yezu zòm, ñ wòwə: "Á wun bèk'á zhilí yé. Zhíne Yi ni, s'á zhí àmye nē. Jààsè nánzhəzhǎ ñwéné à Da sǎ kèlé wa. Á m'a k'a bè a zə ába a m'a vò, mùni ga ámye yè à gé la mǎgǎ yál mó." (Zhā 14:1-4).

"Yi tene kɔn rədù byèbé bè só re mó yilè, sə lò yírħ gwě yè re ne yé, lò zhě gwě yè ré nyèè yé, numbyíni gwě yè ré bùl è wé mye yé." (1 Koréte 2:9).

Numbyíni wār è b'a byili Yi zùwé rè tene rə cí Arəzana w byèbé bè n'è tó Cinu Yezu Kriste ne ce yó mó ne mó yé.

Sèsəyúlú w kòbó wé numbyíni cù w téné gàà mó yé, wó Yi máléka né nə ò wé, wó əmyé Yi n'è twí. È tú è zhí è n'è dè yè-bèlòlò w cébal mó ñ pyírħí ñ wu w n jírħ wārħgáá Yi yé né mó, mùni ga e zə mo e m'e vò Yi sono. Cu mú mē n'è zal numbyíni mú k'è bæ ñwòndó zhe rə-ná-cí yó yé. Ñ gə cùwə, ñ la Yi rí ñ zhí rí ñdé ñ wu gakó ñdé ñ ñwéné ce yó sono. Yi n'è dè mò rè sono cènè ñdè ñ Yó-cébal ñ Cinu Yezu gé byili ní, ñ wòwə: "Kɔn càn tùntùnnè nántwə. Ñ zə kɔn nampólé ñ mé twí à pùbùlè. Á m'a pǎ kɔn nánfòlò ñ nyí rè yò. Bè ñ tó ne ñ fùù." (Məco 25:21). Shətana k'è bæ ñwòndó zhe ñ yó yé. "Yi n'è nyí lyi bí byèbé bè só re mó cu mú yò

dédé.” (Nwæ 116:15). “Rèmyé kwā né à nyèè cəl dē yi w rə wòwə: Kē ñ wò: Kɔn zhí èlāsě, wu-nyǝ ciné wó lyi byèbé bè cù ñdé bè zù Cinu mú. Eshirhə náácənéné wòwə: Zə̀nà, bè b'a yě̀ bè lyàà ré ne be shírh, sè bè tùm-ècà̀nà né tó be.” (Kɔn dèbé Zhā nɔ 14:13).

À lò, ñmyé mòbó ñ kàrmò sèbé ré tèbé mó, ñ lwar bè rə wó: “Numbyíni wu w zhèzhé y mó”, Yí b'a sě mó ñ pə ñ wu w námpúm Yí rí rə só mó mó ne, lwar bè rə n'è yál bè zú rəmyé, sè rə zòm ñdé mó rə wò: “À byí, à bəkó, pə ne ñ wu wé.” (Səswalə sèbé ré 23:26) Pə ñ wu w Yezu ni. Ñ wu zhili, ñ né ñ nwènè, ñ gə pɔ ñ wu w Yezu ni ñ mà n pǝ wu nándù ñdé éshirhə nándwě. Ñ bəká yě ñ jéjèré ñ cin ñ wé yé, ñ tó lú w nyəná né nə̀ bə̀ kùr zhe mó ne yé. Yí zòmè ré sèbé wòwə: “Numbyíni kèbé è zhe è cici zhèn bə surhə zhe yé, sè lò mòbó ñ né ñ zhəl ñdé surhə mó, rə-ná-cí b'a n nə̀ Yí vwǎrh mó.” (Səswalə sèbé ré 28:26). Yě̀ ñ yə̀-bəlwáálé ne sé wèrhé cángá tumə̀ né. “Yə̀-bəlǝlǝ kändé wó cu, sè pené y Yí n'è pə nánfò w mó wó nyǝ̀ mē t'á la zhǝ̀ Yezu Kristə̀ jàn yilə̀.” (Orɔm 6:23).

À lò, ñmyé mòbó ñ pɔ ñ cin Yezu ni mú, zhí ñ nà y yó kəkə̀, ñdè ñ Yí ni zhú mú gə̀ n'è byili ní Yezu Kristə̀ jàn yilə̀, Yezu Kristə̀ tùm túm Pwə̀ zòm rəmyé yil èta, ñ wòwə: “À yě̀ mòbó à zhe ñ zhèn ré mó párá, sè à yě̀ pamparə̀ bè ñ zhe jàn ñ bà n yili kɔn dèbé ñ pɔ ne mó, kɔn m'è yí dē ré nánkwéé ré.” “Cí ni ñ wé, sé wèrhé ñdè nə̀ gə̀ n'è byili ní ñdé Yí ni zhú, ñdé sónó w kòbó Yezu Kristə̀ pɔ néba mó. Nyí Yezu, ñmyé ñ wó sómá y ñdé zhənà ñdé nyǝ̀, ñmyé ñ wó né Cinu mú ñ ká ñ bàn là̀là n zə̀ ñ lyi bí mú. Ñ wó pyá bé gakò Pyó, cínne bé gakò Cinu.” (2 Timote 1:12). “Cèrhə̀nə̀ né cèrhé Yí! Rə̀ wǝ̀ ába rə̀ la yilù kɔn gakò wé á t'á la tē tu yé. Wó rəmyé rə̀ b'a ce á b'ǎ zhì rə̀ yé né, rə̀ zùwé y wé, ñdé wu-nyǝ̀, dóó t'á la á yó yál yé. Yí wó rədù sá. Wó rəmyé rə̀ tó né Cinu Yezu Kristə̀ denne rə̀ vwǎrh ába. Wó rəmyé rə̀ zhe zùwé, rə̀ du kɔn gakò, rə̀ zhe jàn ñdé ñwònó, shā̀ā, ñdé èlāsě, ñdé twéé gakò byinə̀ nə̀ bə̀ zhǝ̀ zhe yilə̀! Amyinə̀.” (Zhidi 24,25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)